


雅宜山人集卷五



明吳郡王寵撰

五言律詩二

嘉靖稿

和黃勉之懷五岳之作

嵩山為首 嵩岳

嵩山有瑤草白玉如膏流何日攀緜嶺相携隊
石樓吐雲騰斗極飛翠滿神州笙鶴飄飄去青
天子晉遊

泰山

五岳視侯秩無如東岱尊六龍開御道三觀插

天門舉手蓬萊近，盪胸齊魯吞。安期煉玉處，唯見五雲屯。

華岳

每憶仙人掌，兼聞玉女峰。兩崖夾日月，西海出芙蓉。窈窕黃河曲，蒼茫白帝封。手中九節杖，恐或化為龍。

衡岳

衡峰七十二，削出祝融孤。秀色浴江海，神光照楚吳。石開金齒菖，芝長赤珊瑚。何日登真籙，腰懸朱雀符。

恒岳

玄岳倚北極，翠屏千障迴。山寒太始雪，地闊單于臺。石室金膏闕，玉華仙掌開。儻遇通微子，騎二青龍來。

首夏同吳丈次明湯君子重家兄履約看竹石湖草堂作四首

掃竹天花墜，看雲石鏡摩。百年渾浪迹，一月幾酣歌。詞賦雕蟲拙，山林習氣多。角巾全不整，長日臥藤蘿。

其二

盤谷藏修竹虛堂吐白雲映空搖水碧面勢坵
峯文露頂參龍象冥心入鳥羣金繩如有覺寶
地會平分

其三

烏皮聊隱几紫籜漫裁冠曝髮雲門嘯澄懷法
界觀風花時點點竹對靜珊珊直作匡山社金
池繞絳壇

其四

酒聖能齊物鶯歌解損神雲霞千挺竹江海一
畸人濩落遲聞道浮游得采真故山芝朮在終

不誤風塵

送陳子魚游齊雲巖

東南饒暑濕宣歙獨高寒秋色千巖競江流一
線盤傳香歷金闕掃石拜天壇道氣如君少真
堪躡紫鸞

聽琵琶

紫塞傳胡語崑丘學鳳鳴春風吹白雪總是斷
腸聲司馬千行淚明妃萬里情當杯愁側耳天
外暮雲橫

天王寺竹林

雅志愛雲竹相看如故人
瓊瓏動風色瀟灑見
天真枕簟開新夏鶯花
逗晚春欲將踈懶性一
問遠公鄰

南峰往北峰

南北峰相直中蟠萬石林
諸天飛采翠衆壑異
晴陰竟日烟霞拂長風
虎豹吟此身飛鳥外散
落步虛音

一雲寺

龍宮已灰劫檀樾自垂榮
合沓山形抱瓊瓏石
筍生流鶯穿葉語老鶴
護巢鳴把酒松門坐林

泉無限情

支硎山

支硎特峻秀平地插芙蓉
面面開霞壁層層折
劍鋒白鷗巢野竹蒼鼠
戲長松遠憶道林輩低
頭禮數峰

紅蓮盛開漫興二首

菡萏照碧水芙蓉開紫房
娟娟倚秋色冉冉下
雲光意態風前劇腰支
掌上狂芰荷高日影雙
浴采鴛鴦

其二

秀色不忍見朝雲疑有無湘妃行拾翠天女笑
投壺日映霓裳舉風迴玉袖扶若耶溪更好轉
憶向江湖風前願與諸友賞蓮酣飲達旦
酒思亂花前留歡蠟炬然齊歌綠水曲總是紫
霞仙江海逢今夕星辰聚此筵聽雞還起舞誰
看祖生鞭

甲申七夕揚子任携酒花下

共結蓮花社相携竹葉樽高枝頰玉豔密蓋翠
雲屯大塊吹秋氣明河過雨痕今宵渾不寐閣

道看天孫

同諸公泛石湖遂登草堂燕集二首

秋水何人愛清狂我輩來山光浮掌動湖色盪
胸開黃鵠輕千里蒼鷹下九垓平生濟川志擊
楫使人哀

其二

五嶽未能去一丘還可棲山童調白鹿野飯射
斑雞竹懶宜高臥花狂欲醉迷明時棄巖谷聊
得葆天倪

月夜同酌吳祈父

長風吹骨斷，靈夏華王壽。高舉吳中文士，然皆
既未銷平，多白屋膏。漢有瑤臺，寂寞談玄所。侯
朝主步，難讓金銜。鷗鳥千外，汝胸中只野。豈
相寐，卷中卷高天。月奇印青，殊萬想。集白髮也
漢庭方相，祿魯國自儒冠。肉食雲臺議，山居世
殆若菜菔。天駟病江迥，螫龍蟠不願論朝市。秋
執文哉，憂華讖興。鵬離斷，羣青天一身。觀吾
吳會，照殊水。云哉多白雲，濛濛。皎望色，山山雲
月色大，殊賴高樓。應斷腸，乾坤靈影外。河漢使
韓立西堂，白榆種。冥冥烏鵲行，中宵更牢落。蟬

菴蓋因雲，杳杳直。流吸轉，蓋關。兩殊水，開鞞。絕
復念江表，王子美。

蘇北山賦

蘇北山賦
蘇北山賦，雲鳥。賦谷天青，雲捲。每登高巖，幾日計。
蘇北山賦，蘇北山賦。主宋王悲，藥囊。命甲子，西盜。負
破唾壺，蘇

馭斷驚調過

三首
三首文，修以東。露黃金天，土臺。相賀重，蘇。輝。漸
身，觀宇宙。內何人，稱受木。或門吞，百歲。卡。理。戲
里正，冥。煉。碑。未。表。烈。規。北

長風吹古月突過海門來桂子帶星落荷花承
露開江湖多白屋霄漢有瑤臺寂寞談玄所侯
芭共酒杯且高烟外秋谷酒後肥
漢庭方禮訟魯國自儒冠肉食雲臺議山居世
態看斗斜天駟病江迫蟄龍蟠不願論朝市秋
風理釣竿

月

月色太無賴高樓應斷腸乾坤靈影外河漢使
星旁歷歷白榆種冥冥烏鵲行中宵更牢落蟋

醉近西堂

秋

吳會總秋水江淮多白雲粼粼麴塵色片片雪
峰文浩蕩葦鱸興飄飄鸛鵠羣青天一長嘯吾
欲訪茅君

臥病

臥病湊牢落高天月倍明清秋萬感集白髮此
時生老驥窮途櫪饑鳥子夜城胸中足礮礪澆
酒未能平

得顧憲長華玉書高譽吳中文士然皆

軾軻未達感賦此

長嘯宇宙內何人解愛才海門吞百瀆斗野燭
三台玄豹江東霧黃金天上臺前賢重推轂慚
媿獨駑駘

瘡

病怯齊侯瘡秋生宋玉悲藥囊淹甲子酒盞負
花枝江碧鳥頻浴天青雲對垂登高還幾日搖
蕩北山期

送王子美

帝室五雲外子行如轉蓬關河秋水開驛路菊

花叢風急盧龍燒霜高碣石鴻金壺調玉鱠還
復念江東

雨

黑入滄江雨紅催碧樹林秋聲楚塞闌殺氣海
門陰鷹隼翻鞞急龍蛇徙宅深壯心慚日月擊
破唾壺吟

雨過

江雨夜來過長空洗更青雲光任錯落鷗熊足
娉婷西陸團金氣南山擁翠屏端居美鴻翼萬
里正冥冥

曉

城烏猶未起吹角滿江東
星月秋山白雲霞夜
海紅蠻歌舟楫動野哭
井閭空世事催虬箭生
涯只鳥籠

夜酌

久病樽無綠吹燈花吐紅
今宵一開盞細雨正
鳴蟲宇宙醯雞似行藏
木雁同醉歌齊萬物轉
覺興冥濛

秋髮

秋髮不盈把霜容怯鏡
臨形骸真土木骨法合

山林酒興黃公肆悲歌
梁甫吟紫萸顏色好愁
絕不勝簪

九日病坐江樓二首

早起候雲物秋光渾可憐
江山如自喜風日更
相鮮霜薄青楓外天長
白鳥邊登高筋力減未
付酒家錢

其二

無限碧山興移時獨倚樓
天清五嶺瘴雲結九
疑愁急急南征雁茫茫
東逝流壯懷空萬里極
目海門秋

九日聞諸公竹林宴戲簡一首

九日逢秋霽羣賢集酒徒雲林千挺竹玉饌四
腮鱸日落山河淨風高雁鶩呼茱萸都插遍還
少一人無

寄山僧

病起轉不樂南山思舊巢彌增阮藉放休解子
雲嘲枕上百泉響窓中千嶺交題詩道門侶絕
壁爲誅苑

送泉上人往持西山天王寺

建幢開福地飛錫下青天呪嶺紅泉出懸燈白

石然太湖航寶筏林屋扣金仙爲訪毛公在相
攜入紫烟

寒食

細雨作寒食山風吹李花年光隨燕雀吾道只
龍蛇雲薄三江渚春圍五柳家無官居騎省有
髻已生華

寓大雲菴贈茂公

跌坐長眉老稜稜插五峰池開通寶筏巢古挂
雲松拄杖胡籐斲袈裟金縷縫經行那出戶堦
藓自蒙茸

漢自蒙登望湖亭

寶塔孤撐日華亭迥冠山禹功饒震澤吳服揜
荆蠻今古悲歌裏乾坤落照間雄風高處急莫
放酒杯閒大雲菴觀文公

湖上觀晚霞

赤城眇何在標出海雲端寶氣三天湧金沙五
內餐騰光衝白兔散影逐青鸞更憶蓬萊殿仙
人掌上盤食

渡江

秋水百川灌雲帆雙翼飛大江雄地紀旭日射

天扉表裏黃圖壯東南紫蓋非英雄徂落盡宵
漢仰垂衣

夜讌方山人質父館

短燭謀文讌寒芒炳客星名流酣白社絕翼會
青冥今古誰詞伯江湖只草亭太玄聞已就問
字日盈庭

再次質父韻一首

方也有道士雲臥無窮門不擾蚪龍性渾忘桃
李言大才甘淩落短翮媿飛翻尚恠蒙莊叟栖
栖吏漆園

宿雞鳴山

昔誦北山文今棲鍾阜雲秋林時夜嘯天樂忽
空聞弟子胡麻薦頭陀罽席分那知江海客不
亂衲衣羣

登塔望玄武湖

曉日雞鳴塔秋光玄武湖石鯨吹鳳顛天馬浴
虛無太液金溝瀉鍾山玉壘紆載歌皇祖烈永
寶萬方圖

江夜

江海夜突兀人烟時有無潮聲喧鼎沸月采爛

金鋪地勢中分楚天形半倚吳哀歌撫長劍注
目客星孤

龍江關

荷戟一夫守懸瓴千仞餘風雲開壁壘山海護
儲胥御蹕交黃道危譙切紫虛遙憐棄繻者何
日策高車

江中望鍾山

地險雄千古天王守四夷水當銀漢落雲遶
畫屏移野曠貔貅竈風閑龍虎旗西游有狂客
擊楫大江隄

大雞鳴寺

帝城迴北斗古寺冠東山
畫刹人天外紅樓日月間
宮花逐吹落苑鳥聽經還
借問乘車者何如此閉關

徐將軍園林三首

當代麒麟畫先朝肺腑親
鑿池分太液開閣盛平津
羽扇談名理鶉衣列上賓
信陵高宴會日暮擁朱輪

其二

禁城還水竹華館別山林
肯信金貂貴能調野

鶴心巖花相映發雲木自虛吟
劃對仙人掌翻疑華嶽陰

其三

夏木成帷幄秋岷駁錦文池
翻江外浪亭宿海東雲客醉分
巖散鶯歌隔塢聞鄴中賓從集
飛蓋擁夫君

雷

九月霜氣緊南山中夜雷聲蟠
萬嶺下勢劃九天開突兀蛟龍鬪
馮陵風雨來野人錯料事偷眼
望三台

望三 燕徐將軍園林

西第觴公子東園屬上才秋光禁籞接紫氣夾
城開淮水穿林寫鍾山擁座來祗疑天樂奏促
柱送霞杯

蓋載大江上

客子貪利涉開帆爭暮潮山廻北固壘霞作海
門標怒浪排風立神魚映日跳秦皇竟何在鞭
石未成橋

林屋蔡師衡山文文偕計北征輶車齊

發敬呈四首

北極開黃道南星占少微大才元瑞世 明主
正宵衣策射麒麟榜天廻日月旂兩賢終特達
窟穴借光輝

其二

海國雙明月天山兩鳳皇南冠誰領袖吾道重
行藏觀閣徵芳草虹蜺插劍裝平生寸心赤持
此報明王

其三

對塵青蓮社傳杯修竹林江山摘藻思風雨動
龍吟鄴下偏雄傑周南久滯淫雲門陳古樂清

廟待遺音

樓臺青其四

祖帳桃花水征旗楓對林山河千里目師友百年心舉世誰相假離羣自不禁南飛有黃鵠側翅一哀吟

夜憇行春橋

夏夜煩林莽星橋躡太虛市朝真翕赫江海一蕭疎白露橫空下金波滿意舒王喬殊可接騰躡五雲車

新築石湖草堂二首

山枕五湖水堂開千對林棟梁天下任鸞鶴野人心獨插南峰秀平臨北斗侵吾生嚴邴慕灑酒一披襟

其二

蘿帶還初服山樽落草堂獻書長不達招隱得相將勒字芙蓉壁繙經紫翠房百年何自苦裘劍欲摧藏

劍池

伏檻觀奇壑輕身搏翠屏山虛雲裊裊石闢水泠泠錯落金鳧影翱翔鐵鳳翎風胡去已久神

劍泣精靈
金泉
大謝酌陸羽泉
曾甘惠麓水
今酌虎丘泉
石乳疑
食玉茶
經似
草玄登臨
悲代謝
著作總流
傳扶醉
下山閣
千
林落日懸

瓜步山

瓜步臨江出
鍾山不隔雲
風蘆吹淅瀝
沙鳥拂
氤氳
北控淮
徐阻南
瞻斗極
分輕帆
移過穩
把酒玩峰文

石頭城

山人難偶世
大觀一登臺
畫棟天花綴
青林若木栽
傳杯河影落
拂鏡海圖開
會上高峰頂
焚香禮上台

席上贈錢二孔周二首

堂上起秋色
堦前迷橘林
鷓鴣冠將老
世鹿柴與
真心點筆
風花亂藏書
洞壑深鯤鵬
與斥鷃寧
解問浮沉

其二

共卜淮南隱
相逢桂樹留
停杯黃葉上
鼓瑟白雲流
鳥思簾櫳
夕天清
梁棟秋對君
殊廓落江



缺 P15

海一虛舟

山中送袁子邦正兼寄永之秋官

二月鳥嚶嚶山家花滿林那看南浦別愁動塞
門吟渤海紅雲近居庸紫氣侵惠連應憶我腸
斷北來音

奉和少宰崦西徐公省中藤花之作

列殿鈎陳座鳴環玄閣仙詞疑咏紅藥調已入
朱絃靈木千年壽繁英四照妍上公垂顧拂長
托紫雲邊

阻風白馬湖簡朱振之

白日狂風嘯青天退鷗翻浪高湖色怒鄉近客
心燔烟火踈淮甸雲霾蔽海門故人一水隔愁
絕浣花村

沉湖同蔣子雲作

湖水淨如拭山嵐青滴衣鈎簾畫圖展把酒晴
霞飛孤笛烟中起片帆天際歸知君棄金鞞從
此擅漁磯

湖雨作示日宣

萬木黯成雨千崖殊欲秋魚龍呈水戲巖壁亂
雲流蓬累棲窮士天心共海鷗侯生居語汝吾

道在滄洲

自石湖至橫塘山水廻合可賞二首

山水繡相錯清暉如可餐峰形分塢塢沙曲擁

灘灘西蕩荷香拂南屏秋氣寒嘯歌終日裏懶

散不簪冠

其二

人家叢水竹厥土沃塗泥澤運菱花覆霞莊積

葉齊漁人手網集開士五雲相草籜長林下持

編且牧羝

山院荷花並開作

水綠天澗霽山青花斬新薄衣初試屐艤酒任
欹巾 聖世支離客泥塗甲子春放歌林木動
巖臥有真人

觀水漲二首

翠浪欵然涌石湖千頃開氣吞具區藪掌弄吳
王臺山向鏡中出帆從天上來曾逢問津者河
漢幾年回

其二

手持秋水篇散髮對平川日出海門近天低象
緯懸人行石鏡裡鷗舞浪花前余亦挂帆去蓬

山朝列仙

次韻馬司成賦孫中允松江園居三首
園接九峰翠池分三泖波青岳隱叢桂白日臥
高蘿林曉霞光粲窓寒竹蔭多金華榮侍從那
得戀漁蓑

其二

潮落門前浦雲連海上山丹厓觀化靜紫洞著
書閒松雜瑤流響苔生錦石顏蓬壺在几席窮
日任躋攀

其三

層臺披日觀復館淨霞居石室雙簷編暇庭闈戲
綵餘池翻逸少研壁隱馬遷書盡遣區中累來
觀濠上漁

寺游

秋色滿諸天秋湖蕩梵筵香從霞外落思入定
中玄芝饌延狂客松龕兀酒禪欲知清淨賞萬
竹映飛泉

雨後集諸子

雨聲催木葉秋序迫茱萸林吼風傳谷山蒸雲
起湖客題幽澗竹人老故山蕪不盡窮途恨狂

歌擊唾壺

文內翰徵仲攜秋蘭過山齋作

美人涉秋水結我紫蘭心雜佩耀奇服幽香披

道襟窓虛山翠積石古澗藤陰坐對忘言久臨

風揮玉琴

上海董子元夜訪山莊作

遠客舟初繫田園菊正開古堂秋霧集幽壑夜

聲哀花豔驚燒燭山空淨舉杯草玄吾豈敢應

媿問奇來

楊虞部子任過山中

愛爾羽儀好慰于江海思新銜題粉署初命出
彤墀野墅芙蓉發山堂菊蕊遲丁寧一卮酒莫
自負明時

張子月鹿自海上遠訪越谿莊觴之笑

坐巖山 蓉灘作

挂席翔雲海看山到越谿千崖蕭秋氣一塢靜

霞棲鶴舞山人醉花繁坐客迷以痾經歲久為

爾強扶藜

鹿鳴丘中二首

沙際一羣鶴丘中獨隱家川明霞散綺巖馥桂

交花山愛秋嵐紫人憐霜鬢華將隨勾漏令學
道訪丹砂

其二

竹覆愚公谷鶯啼謝客巖秋華粲禾黍曉霧沐
楓杉列岫䟽高館垂楊拂過帆焚香北牕下危
坐讀仙函

晚過竹院

竹院迷青靄祇園橫翠微松門晚霞抱雪壁秋
花飛湖迥習池似臺荒吳苑非蒼蒼暝蘿合還
趁漁樵歸

霽

獨鶴舞空院明霞霽遠天林疎秋色淨野曠曉
風鮮巖接交香桂窓虛透瀑泉山棲成偃蹇孤
賞自泠然

中秋對月懷長公作

林壑清輝夜巖櫳白露秋湖翻珠吐蚌天迥玉
成樓一鏡千山徹孤輪萬里周不知王子晉何
處鳳笙遊

十六夜對月

玉魄當空滿銀潢拂迥流山河靈影動今古鏡

光道萬壑星翻彩千林對聳秋今宵駕玄鶴遊
徧五城樓

秋曉

花露曉猶泫鶯歌秋轉繁白雲舒四望朱槿照
中園晶瑩天光徹悽清野聽喧唯應待鸞鶴玉
洞去朝元

碧峰禪師葺雅宜行窩作

祇苑潮音接旃林海氣虛花餘春鳥弄山變夏
雲舒大地鷓鴣隱清時水竹居棲霞處處好隨
興是吾廬

霽

林霽鳥聲樂池平魚藻繁南原一以眺藹藹麥
花翻靜讀高僧傳聞書大士藩何如謝康樂養
疾在中園

午

午簟轉桐日山齋飄棟花飛塵綠水隔俗駕碧
山遮臥看盤空鶴飢餐出海霞翛然清五內祗
待長金沙

曉

曉日明皎浦晴雲拂鸛巢天清飛澗響閣迥亂

峰交海對籠荒戍墟烟澹遠郊行藏揔蘭若一
任子雲嘲

香山金雨

香雨濕金沙輕陰蔽日華山蒸飛殿靄海潤簇
樓霞地僻喧啼鳥林深尚落花載窺清淨理畢
志梵王家

赤城中寺書

綠樹陰陰合清池湛湛平繙經談孔雀拋卷聽
流鶯日映金輪轉雲依芝蓋生冷然慧門賞玄
覽自虛明

河陽良上人饋松英

蜂房攀蜜髓猿壁掃松花遠饋餐霞子猶餘春
露華泉香石罈乳鼎熟雨前茶不羨朱門肉還
來就釋迦

晏起

野淨露光沃簷虛池影翻幽人日晏起好鳥窓
中言遶舍對如帷當門山作藩孤村隔流水何
異桃花源

種豆

捨身白雀寺老作灌園人土裏重湖潤山藏曲

鳴春日高樞發采風暢豈惟新濁酒荷鋤倦長
歌滄海濱

雨夜日宣正上人集寺居

微雨潤虞麓空堂出海雲散花窺戶入清梵雜
濤聞嵐重香凝濕林昏鳥喚羣共來修淨業讀
盡馬駝文

雅宜山人集卷五

雅宜山人集卷六

明吳郡王 寵 撰

七言律詩一

正德稿

上大學士守谿王公四首

淮海維揚藪具區咸池靈氣括人俱題輿八座
璣衡轉端委 三朝日月扶志决臯夔勤衮職
學宗姬妣弼文謨石渠金馬從容地玉几馮虛
聖眷殊

其二

昭代文華七葉光天人羣會翼 先皇河圖琬

琰台階列大呂黃鍾闕廟揚千古晶英躔斗宿
萬年禮樂盛明良橋山玉殿松楸拱元老儀刑
肅典常

其三

威鳳冥翔萬里毛青山間曳白雲袍五湖下上
天池迥一柱東南日觀高玉洞朝霞食石乳璜
溪秋水弄漁舸謝公不倦林泉賞無那蒼生屬
望勞

其四

天上縣車秉括尊星移南斗喝龍門泰山不動

羣峯迭滄海無倪萬壑奔台袞提攜慙萍蘖草
茅淪落悵乾坤重堂曲讌旌旃倚澹蕩春風煦
酒樽

寄贈劉按察元瑞

銅柱參天高掛冠五湖龍窟去漫漫荆南流寓
嗟王粲吾道行藏卜謝安白晝豺狼人立鬪碧
山猿鶴笏支看雲飛玉峙輸公輩笑爾冲冲行
路難

彭蠡四首

彭蠡當年勤我師
高皇親秉白旄麾荆人久

已共王祭劉渾翻然拔漢旗海內河山朝北斗
帳前龍虎殿南維爾曹撲滅須臾事不動綃衣
萬古垂

山莊其二
匡廬拔翠對南昌赤土苞茅削尚方王庶故應
雄楚粵展親曾見錫琳琅金滕自足安天下寶
玦空憐泣路傷骨肉相離非浪計忠良努力在
諸王

塞帷杖鉞中丞寄衽甲分旄守令趨殺氣橫衝

昏翼軫羽書飛急感江湖臨川取道朱旗閃安
慶勤王玉壘孤巢穴已傾師未捷千年劉李笑
兵圖

其四
江左羣龍萃吉安指揮能事氣衝冠吾儒未必
皆籩豆門閥于今盡綺紉天下安危公等在殿
中台衮史書看獨憐孫許今祠廟永夜丹心貫
斗寒

南都三首
萬年曆服開基地八葉龍顏有道孫玉輦乘春

迴日月朱方修瑞式
乾坤寢園恰及櫻桃薦
天府猶看御甲存
鐵馬汗趨爭草昧
衿衣端拱奏雲門

五鳳樓有
高皇御甲

其二

錦纜牙檣萬里遊
天吳海若翼王舟
襄城七聖空迷轍
弱水三山未穩流
塞北風雲連朔漠
周南節鉞自公侯
兩京角立分形勢
居重還須扼九州

其三

虎旅龍驤插漢貂
飛騰誰數霍嫖姚
金纏寶校超天駟
赤羽盤囊射海鷗
北虜只今頻款塞
總戎應得數趨朝
仲山吉甫男兒事
麟閣雲臺傍九霄

立秋日

南紀清秋殺氣遙
扶桑銅柱峯高標
風悲畫角關山迥
雲去蒼梧畢斗搖
正憶郊迎虛玉輅
卽愁邊守醉金貂
黃河白草蕭蕭去
胡馬千羣出射鷗

夜酌與吳丈次明
季子清狂老鷗冠
興來把燭過盤餐
星窓淡沲

銀河影雨檻霏微玉露團帶索懸衣窮日醉隣
雞野哭萬家殘未聞扈仗拋金甲玄武蒼蒼直
比看

簡文二丈

淪落衣冠尚典刑苦心劊向獨傳經祇今羅網
彌天囿肯道江湖有客星金石風流傳藻翰蓬
壺雲氣逼丹青詞林根抵歸能事人世骨騰笑
獨醒

秋懷五首

南紀風雲接素秋淮揚中斷大江流鍾山秀拱

蓬萊殿海日低懸鳩鵲樓羽騎驂驪交扈仗紫
衣呵引翼華輶五陵鞍馬金張籍出入銅龍握
槊游

其二

露下天清秋氣凋 孝陵松柏莽蕭蕭山河勢
遶朱旗列寢廟神遊絳節朝寶劍夜飛雲氣閃
玉衣晨舉日精搖璿心璣思謨千古只在重華
協聖堯

其三

鳳管龍簫清且悲南徐北固自逶迤海門直指

聯三象日馭巡行逼九疑入計衣冠刊璽綏防
秋兵馬失旌旗長卿諫獵無消息悵望江湖有
所思

王太景其四

瀕洞風塵莽未休妻清江漢仲宣樓摩天鴻鵠
終辭網跋浪魚龍岌負舟黃竹泠泠連楚澤白
雲冉冉接昭丘金輿玉座千年跡流恨荆揚古
帝州

其五

白帝風高萬古吹百年鼎鼎獨何爲炎方雲霧

兼天迥絕塞星河倒地垂素紹沉冥應累月長
卿消渴亦多時金莖玉屑食靈氣碧水丹山結
漫期

新葺草堂簡二三鄰曲

清狂自是耽風竹入隱何須倚市門背郭堂虛
聊習靜浣花溪遶卽成村久拚江漢支離臥莫
訝蛟龍窟宅尊北里南鄰俱酒伴祇應身世老
清樽

六月十日諸表攜酒相過

堂上書生據槁梧一樽衰肺覺全蘇從知素紹

逃河朔更賞王戎戀酒壚
涸轍難忘頻照沫
此身無賴祇江湖
不妨久坐論肝腑
紅燭淋漓清夜徂

虎丘北閣登眺

霽雲斜日晚暉暉
開蓋山樓坐翠微
閣道迥臨千嶂出
海門平指百川歸
丹青臺榭還今古
錦繡山河接杜韋
佇望快瞻龍虎氣
狂歌聊拂芟荷衣

荅子重枉過草堂兼攜酒貲之作

清夏茅堂霽色鮮
紫薇修竹淨娟娟
陳平已愧

淹車馬陶令何須乞酒錢
鸛鶴摩空終遠去
燕鶯交語劇相憐
閉關不解人間世
露頂同參醉後禪

袁氏山堂雨坐

六月虛堂雨氣浮
翠巖丹壑迥生秋
雷霆破地時酣鬪
河漢經天却倒流
古木蒼藤森自得
斑鳩黃鳥坐交愁
羣峰更覺烟嵐外
指點陽臺最上頭

紫薇盛開率爾遣興

江館薇花也解紅
玉堂金署五雲中
山林鍾鼎

從吾好露葉風枝訝許同旋有狂蜂縈上下故
臨修竹隱房櫳丹霞赤日心傷麗文簾清樽興
不空

酬文丈徵仲寄題草堂之作

周南流落漭無成獨抱枯魚愧此生白日縱酣
遺暑濕碧天高嘯盪雲行蒼蒼苔竹逃中散片
片飛花病馬卿在沐瑤篇相問訊草堂驚起夜
光明

陳氏遐矚樓作

連山大壑赴吳門高閣臨衝紫翠屯河鵲南飛

斜北斗天雞宵舞動朝暎萬家城郭朱甍迥干
里風烟碧甸昏愧我難登徐孺榻竭來時倒盃
公樽

暑憶故山

炎蒸三伏醉龍鍾湖上青天夢雪峰絕壁上干
雲恣吐古巖中洞浪交淙干林背日藏修竹萬
壑披衣倒碧松偏袒科頭時大叫狂來真欲躡
飛龍

紅蓮

紅蓮綠水色相鮮承露金莖婀娜邊霧氣半籠

香冉冉日華初
傍意娟娟衆中特立分明見掌
上陽狂太劇妍却憶驪山行樂祕金鋪玉甃瀉
溫泉

雨

七月七日雷雨作三江五湖龍出門機石熒熒
天漢湧白榆黯黯晝靈昏清商應律乍瀟灑暑
氣蒸雲俄吐吞閣道流虹尋掃霽雙旗中夜度
天孫

夢銷夏灣

萬山迴合太湖心玉鏡沉沉天地深鸞鶴難馴

雲壑性蛟龍時動海門吟咸池滉漾扶桑影絕
壁冥濛楓樹林千里峭帆驚掣電夢中親指巨
鰲簪

懷顧台州華玉

朝天旌旆隔年行迢遞經秋旅鳳城幕府簪纓
瞻使節諸侯玉帛後王正龍文五色雲虛遠虎
旅千屯月正明賈誼憂勤心獨切庾山蕭瑟賦
須成

石湖作

勾吳山水秀西南雲白天青萬嶺含峭壁搏風

時捲浪中流湧日恣成嵐金支翠節虛無見貝
闕銀宮縹緲參淡淡乾坤祇自役草堂長枕百
花潭

楞伽精舍話子重

精舍橫開千竹林翠微隱瞰石湖陰隔窓雲霧
窺青壁入戶山泉寫玉琴向秀真爲攀鳳侶孔
明聊作臥龍吟草衣木食吾徒事江海冥冥遲
暮心

辱蔡師寄詩悠然有懷

高才落落動雲霄采蕨食芝臥聖朝玄草萬言

林屋闕少微中夜洞湖搖凌風散落鸞皇引度
海虛瞻烏鵲橋解道東山足雲霧肯容安石狎
漁樵

伏軛

伏軛長途日月驚雲閑水落澹秋清數聲悲角
凌霄語百丈浮槎犯海行金馬銅駝甘臥病山
雞野鶴解藏名一杯已足嵇中散五嶽終期尚
子平

夜飲袁二尚之

檢書燒燭成高宴奪雉呼盧縱酒狂江左英雄

還踏蹬天南星斗鬱低昂彈歌易下清秋淚燕
寢初凝午夜香萬事無端渾得醉側身天地更
茫茫

子重久不相過奉簡一首

原生當日翳蒿萊端木親曾結駟來總道難淹
佳客座不妨頻喚喚隔林杯塞門霜霰迴鴻鵠天
下風塵暗虎豺扣角狂歌徒自苦百年襟袍向
誰開

寄鄭博士于漢

冰雪峻嶒把臂時銅盤吐日夜何其銜杯每恨

當年別伏櫪長懷國士知羸馬敝車遭謫怒巨
川喬嶽見襟期漢庭閒却尚書履滄海蕭蕭兩
鬢絲

石湖

石湖秀色那可柰蛾眉掃鏡丹青開飛浪九天
蹴牛渚落霞千里臨高臺吳王醉臥不復曉西
施東去何時來當杯未足轉愁夕霜露沾衣鴻
鵠哀

蔡師西山草堂

震澤波濤天地迴百花潭水草堂開只同康樂

披雲臥時許侯芭問字來南極客星浮禹穴中
宵海日見徂徠山林鍾鼎渾何礙白石長歌空
自哀

夜酌與諸公

湖海茫茫雲外迹乾坤落落夢中身浮沉愴世
更懷古出處驚心森會神杜曲委蛇草玄客山
陽酣嘯竹林人百年吾道同盟在達曙狂歌應
自真

林屋道中

海嶠雲霞虛翠屏閩風吹袂采真行壺中樓閣

天齊動石上瑤華冬自榮遂有浮丘來馭鶴似
聞子晉解吹笙金庭玉柱千年閱日月崢嶸愧
此生

灣中覽古

帝子樓船天上來渚宮鬻殿海中迴山河錦繡
千年觀歌舞風塵萬壑哀澤國魚龍吟落日荆
蠻雲物悵登臺茫茫金古渾無賴直北長安首
重回

縹緲絕頂

絕頂親攀日月行五湖如帶自廻縈山川歷歷

分南服今古茫茫混太清萬里風烟臨海嶠百
年身世悵浮萍未驂鸞鶴雲車遠兀坐松杉濁
酒傾

月夜寄城中諸友

白沙翠竹淨江村草閣虛無對海門絕壁金波
湖上下中天珠斗浪崩奔蛟龍隱見林光動島
嶼沉浮水氣吞忽憶高陽諸酒伴劇憐風月限
清尊

玄秀樓雨坐

空濛樓閣淨仙居風雨冥冥翳太虛浪鼓魚龍

時叫嘯氣蒸山澤恣吹噓茫茫帆色渾無際片
片鷗羣迨自如曲檻疎簾雲霧裏浹旬高臥散
琴書

辛巳書事七首

居庸碣石控胡門玉几由來北極尊閣道逶迤
經海岱天河隱見出崑崙斗間遂識三階列日
下從知九軌奔奠鼎卜郊非浪事萬年圭鬯保
文孫

其二

泰陵松柏五雲高再見姬康握赤刀南斗龍文

口王氣中原馳道擁旌旄委裘不亂遺謨遠磐
石相維諦構牢弘治名臣天勅在元功應數舊
蕭曹

其三

龜食庚庚夏啓光龍顏日角映扶桑
九朝琬琰陳東序萬國山河履職方
總道翔麟傳寶錄
卽看天馬度銀潢軒虞落落洪鈞轉
矯首滄溟望八荒

其四

漢水東流夢澤開雲蒸龍變劃爭迴襄城七聖

翔空下少室三花拂駕來河伯寶圖森地軸上
公玉冊自中台千秋萬歲應思沛帳飲歌風擬
築臺

其五

明光甲仗下金雞中使星輶降紫泥三殿絲綸
垂象麗九霄日月覆盆低雲扶寶鼎黃風穆天
選璣衡舜政齊更喜求賢溫語切龍光長指鈞
璜溪

其六

內侍傳宣總插貂虎賁絲絡迤乘輶爾曹肉食

終無賴天下軍輸半已凋朔雪炎風歸紫極銅
駝金馬鬱青霄萬年曆服超三五努力夔龍翊
帝堯

曉仗彤雲拂羽旗大行重引漢官儀紫衣簪筆
鉤陳肅白虎譚經刻漏遲卽喜春王傳正朔似
聞天樂奏咸池南星錯落江沱遠北斗瞻依藿
食私

答文二丈徵仲見寄之作

偏側乾坤只蟻封短衣觸熱日憧憧山林掃迹

虛雲氣河朔藏真元酒容顧我遲迴甘尺蠖卽
今高臥有人龍踈簾玉簾開毫素瀑水懸岬夢
雪峰

山中荅子重見贈之作

土木形骸時所賤山川襟抱獨須開卽看冰雪
溶溶瀉已覺鶯花逐逐來海內風塵頻縱酒天
涯兄弟幾登臺高陽失侶勞相問谷口揮鋤且
未迴

黃葵

雲白天青秋可憐黃葵弄色尤相鮮楚妃結束

迥殊衆姑射逢迎疑是仙承露金莖餐沆瀣凌
風玉袖鬪嬋娟蕭疎獨映揚雄座物色年華解
入玄

七言律詩二

嘉靖稿

夜燕石湖草堂

風竹泠泠虛草堂春星歷歷淨琴張冥棲自許
專丘壑痛飲寧辭典鷓鴣歌曲玲瓏花鳥恨舞
衣颯沓薜蘿長十年獻賦頭蓬葆明發天台度
石梁

山居

山鳥羣飛多好音蒼苔白石淨中林前峰麋鹿
窺人過半壁藤蘿礙日陰萬里冥冥黃鵠羽百
年落落紫芝心未論戰勝違朝市遮莫狂歌任
陸沉

楞伽山樓

山樓朝日盪雲胸坐見桃花映遠峰黃鳥弄音
晴靄靄碧天生媚水溶溶齊梁殿角丹青古吳
粵山河錦繡重謾說平生飛動意十年空聽上
方鐘

春半

南山吐氣朝氤氳萬樹桃花和白雲紫空蛺蝶
已無數穿葉流鶯凡幾羣獨客琴中哀鶴操野
人衣上采霞文天涯兄弟勞相憶春半音書佇
未聞

竹

愛汝南墻竹干挺碧巖高下風琤琤羣飛好鳥
似人語一片春湖如掌平蒼苔濁酒已忘世落
花遊絲空攪情猖狂頗慕蘇門嘯踞石時爲鸞
鳳鳴

清明日寄家兄涵峰

清明野寺春風顛忽憶曲江花滿烟燕雲朔雪
音書外粵女吳兒蹴踘邊捧日長瞻天北極荷
鋤新卜讓西偏五陵豪俠如相問豐草長林只
醉眠

夜話金元宿楊子任吳祈父

月白山青花夜明斗斜人語鵲枝驚虛空不住
雲霞思落魄相期江海情萬里驍騰祗自笑百
年潦倒向誰傾他時儻憶山陽社爲問窮途阮
步兵盡識天春句

郊臺

酒酣更上吳王臺。却憶霓旌萬騎來。閱世浮雲
千古盡。麗天春色五湖開。平原細草游麋鹿。落
日陰風嘯虎豺。跋扈飛揚總黃土。當筵須罄掌
中杯。

暮雨登上方

昏黑馮陵到上頭。諸天風雨颯高秋。千峰楚粵
微茫見。百瀆東南浩蕩流。寓世形骸須縱酒。盪
胸雲霧幾登樓。端居不為明時取。浪迹將騎黃
鵠游。

雨

紫薇村邊暮雨急。茶磨嶺上春雷行。湖中風浪
忽。黤慘天畔花柳獨。分明當門銀杏總。舒葉隔
竹班雞時。唯鳴忽憶王孫遙。萬里山中蘿薜解
含情。

送袁斯正游茅山

句容削出三茅峰。上有三仙騎。玉龍華陽洞口
瑤華滿。貞白祠前春草濃。石壁烟霞迎海日。天
人笙鶴下雲松。憐余為采千年藥。與子相攜九
節筇。

憶金陵寺游卻寄劉中丞元端

孔雀壇高落日黃鳳皇臺迥萬山蒼漢家城闕
天中起法界雲霞海外翔紅樓石院調仙樂碧
澗秋花禮道場却羨中丞投笏去欲將彫朽附
慈航

寄王侍御敬止侍御吳人產于燕嘗使
朝鮮賜麟服後以直道謫岢州今老于

吳

宮袍錯落紫麒麟曾是先皇法從臣海外文
章傳諫草天南魑魅識星辰荆蠻流寓真吾土
燕趙悲歌見古人綠水名園春更好挈壺花下

伴垂綸

寄徐錦衣君叙

今代麟臺誰第一中山王業照乾坤小宗尚覺
貂蟬貴巨室從知德義尊翠竹碧梧光戚里回
琴點瑟奏朱門腸斷雞山玄學社萋萋春草憶
王孫

曉

日高風細林中眠乳燕班鳩鳴半天傷春老去
怯花鳥痛飲朝來中聖賢流水高山心不競白
雲飛絮夢相牽當門柳色青無賴誰爲淵明乞

酒錢

送郡伯胡公入朝二首

朱旂玉節朝元會
金馬銅龍侍從年
天上五雲新日月
禁中三島舊神仙
風塵在苒周南滯
郡邑謳歌洛下傳
出入兩朝今仲甫
中興九葉在周宣

其二

兩岸旌旗東海頭
中流簫鼓使君舟
手持絳節朝天子
腰佩銅符夾帝州
御柳欲迷鳩鵲觀
宮花應繞鳳皇樓
先朝侍從皆伊傅
况復

今王夢寐求

寄題袁邦正白蓮草堂

白蓮草堂涇水頭
出郭況有林塘幽
西山爽氣足遐眺
虎阜流雲堪臥游
錦軸牙籤春燦爛
青藜玄草夜精修
江湖已識風雲器
壁上龍光看佩鈎

山堂

過雨山堂蒸翠雲
四簷籐竹鳥聲聞
青天不動峰文坼
錦石相鮮澗道分
流水桃花真隔世
草衣木食自爲羣
籠鷺寫帖關幽興
却憶風流晉

右軍

飲顧貞叔

看竹時過顧辟疆玉盤冰盃出華堂呼盧當識
江東俊脫帽寧嫌草聖狂列嶂谿山雲朶朶四
筵歌舞月蒼蒼山公自信能騎馬不道城南歸
路長

溪上

白鳥青谿蘆葦林日光雲氣晝陰陰江湖已得
儵魚樂霄漢空懸鴻鵠心結髮入山非慢世放
歌沿瀨有遺音吳宮越館皆灰劫漁子樵夫自

古今

夏日草堂撤去窓戶律設簾几清風洞
越藤竹交陰悠然有得作

錦石踈花暑氣清翠巖丹壑夏雲生已添海燕
梁間語直看湖帆鏡裏行四壁驚風弦索響千
林修竹簟紋明令人却憶王王騎更覺西山爽
氣橫

諸友夜燕山亭達曉

白鶴青巖秉燭游石湖星斗映天流多才潦倒
如河朔此夕山川即庾樓殿同鍾鳴蒼靄散海

門日躍赤光浮
栖栖甯戚何為者
長夜哀歌獨飯牛

橫山下種瓜作

山田犂确苦多沙
學種東陵五色瓜
激澗卽看穿石竹
插籬偏自愛藤花
囊中未得餐霞法
谿上時留泛海槎
長日輟耕無一事
只須牛角挂南華

伐竹

空山伐竹聲丁丁
恰有黃鸝相和鳴
前峰雲起忘俱逸
滿座風生身欲輕
支遁買山非達隱
李

膺耽酒不須名
平生浪迹思江漢
欲作天台避暑行

端陽過錢二孔周

為愛堂前嘉樹林
脩然如坐翠微陰
閉門丘壑堪忘世
觸目禽魚總會心
縱酒尚憐豪士態
擊壺休詠白頭吟
榴花艾葉催時序
甲子泥塗已陸沉

還山作

臥病擁塞夫差城
却如野鹿縻長纓
荷花菱葉已秋色
白鷺青山非世情
竹裏僧廚蒼耳飯
江

東客思紫萼羹葛巾不蔽蕭蕭髮高臥長懷漉
酒生

岳公房古藤石壁清陰可憇

石壁橫開蒼玉屏古藤蟠曲似龍形林篁背日
寒蕭颯洞壑與雲書杳冥采葛時聞歌隱隱枕
流長愛耳冷冷支離不願論鍾鼎白日山中煮
茯苓

立秋

黃竹白雲淒已秋中天大火欲西流著書自信
山林拙耽酒都忘日月遒鷗鵝翻騰荆楚闊魚

龍澆灑洞湖浮清風似減文園渴荷策將期廬
霍遊

題元賓書齋

書齋白日有雲氣臥看參天雙杏林布衾陶器
甘鼎食流水高山鏘玉音簷下鹿麋時寓宿洞
中鸞鶴幾招尋西鄰濁酒荷鋤倦與汝賡歌梁
甫吟

湖夜

水月蒼蒼相蕩摩四天風起碎星河狂來直欲
吞雲夢老去寧辭着芰荷綠酒藏真時嘯傲青

山作伴夜行歌金輿玉座千年事腸斷吳江東
逝波

晚

翠竹紅霞霽景鮮週天日月見雙懸解衣盤礴
龍鱗石露頂蕭疎玉屑泉多病馬卿真慢世長
齋蘇晉欲逃禪江湖何處無魚稻休問唐生躍
馬年

得維揚朱大參升之暨其弟振之子子
价書賦寄

鄴中父子總超傑謝家兄弟尤翩躚德星一簇

射淮水琅玕幾對生藍田鏗錡恰中清廟瑟博
雅宜抽金匱編鵠雛嶽鴛當江海我輩且泛鷗
夷船

甲申七夕子任携酒賞蓮迄今丙戌三
七夕矣子任臥病獨坐花下悵然有感
而賦是詩

憶昔秋携花下樽草堂白晝雨翻盆多情却臥
維摩榻國色猶誇處士村三伏炎蒸稀見面百
年離合幾消魂雄飛雌伏須臾事擊劍悲歌強
自吞

送顧介臣入南雍

雞山下瞰玄武湖碧水如玉流金鋪彤宮紺殿
日月麗冊府儒林江海紆羨子飛騰鷗鷺急嗟
余濩落蛇龍俱圖南萬里望努力入關便棄終
生繻

和文待詔懷昭慶寺之作

明光起草五雲邊猶憶同參雪竇禪花雨石牀
聽說法竹林茶鼎愛談玄拂衣未許還廬社飛
夢時能墮輞川借問玉皇香案吏何如堯率
鍊形仙

七月

七月流火雲英英渚青沙白湖水明炎氛掃蕩
日月朗風物蕭疎天地清萬里飛鴻時目送一
杯鰕菜足生平秋山木落見東海若個從余攀
赤城

雨

秋堂雨坐竹千林空谷琤琤哀玉音宿霧簾櫳
圍合沓吐雲山壁映蕭森花枝沾濕鶯交坐水
國蒼茫龍或吟咄咄書空無限意潘郎今已二
毛侵

山中

西山木落秋色分千峰萬峰新霽文望中澹澹
入無色空外泠泠如有聞白羽低翻碧湖水蒼
松靜度青天雲茹芝采蕨有高士擊節長謡鸞
鶴羣

登吳山作

叢篁古檜陰凄凄斗然一道青雲梯太湖杯傾
兩山小一水線曲千峰齊林端風色怯虎豹石
上泉聲逢鹿麕誅茅絕壁吾有意聊與山翁時
祝雞

題山人家

山人抱甕石湖陰苦竹藤花密作林顧汝真成
麋鹿性令余消盡市朝心遶門流水禽魚得入
座東山巖壑深漸喜浣花成近局短衣高笠自
浮沉

病起還山諸友崇酒相慰

閑雲飛鳥一身輕却笑嵇康論養生累月竹林
踈酒伴新秋石壁尚流鶯廬山結屋狂司馬江
左逃名醉步兵寄跡乾坤何足問玉杯銀盞為
君傾

諸友携酒饌過越溪

子雲宅邊時載酒杜老墻頭多濁醪風流迥集
高陽侶衰颯慚非北海豪病起漫扶蒼竹杖醉
中相把白雲袍柴門不斷青山屏竚看千嶂秋
氣高

衡山內翰許舫過越溪奉問一首

焚魚學士往不返掖垣空瑣梧桐陰青簾白舫
蕩秋色菱葉荷花懷好音今日碧山真不負何
時丹壑辱相尋荷鋤自理蔣生徑高樹嚶嚶黃

鳥吟

觀山人家

夏日錢二孔周瑛上人過集

丈人晚就招提隱支遁還參名士流訪我桃花
崑下客攀翻天鏡閣中遊橙林風細琅玕簾雪
片冰敲白石甌鶴蓋軒車還自熱科頭箕踞乃
吾儔

三伏懷家兄作

三伏炎蒸醉如酒十尺荷花高可憐火雲射日
轉相亢翠壁含風時灑然多病不堪河朔飲沈
冥還憶竹林顛征西旌節翩翩遠腸斷中原羽
檄傳

雨

高山吐雲雷出門翻却玉女洗頭盆草堂颯爽
動秋色病客穩臥忘朝飧瀲灩溪迴五柳拂蒼
蒼峰暗九龍蹲蕭條兄弟拋天末空對芙蓉帳
酒尊

畫寢

青山索居堪永世白日高臥久凶年百年將半
未聞道一壑幽栖真葆光豐草長林獸爭挺清
谿錦石魚相忘秋高肺病可消滅還上振衣千
仞岡

蔣大參子雲文內翰徵仲王祠部直夫
過訪山中作

空山臥病披白雲荆扉忽集鸞皇羣客星炯炯
在河渚傲吏翩翩遺世氛落日風清玄谷籟平
湖雨濯繡峰文野人惟有東林月今夜清光分
贈君

諸友携菊載酒至

菊花滿叢酒滿觴嘉賓奕奕森琳琅蒼松白雲
秀絕壁玉鳧金雁喧迴塘自疑豪宕類北海轉
覺村墅如柴桑齊觀大小總天地且與斤鷄相

翔翔

素子尚之文子壽承毛子九疇過飲作
高秋爽氣嵐霞新青山入座開嶙峋虛舟川上
本無繫濁酒林中還自真百尺垂楊停燕舫一
羣啼鳥饗嘉賓諸公自是烟霄侶肯憶支離江
海人

臥病書事懷左給事中家兄履約時監
軍關西

江湖病客遙可憐碧篠紅渠相映鮮長卿偃仰
薄官秩陶令清狂無酒錢未見高禰祠五柞似
聞烽火達甘泉繡衣使者銜龍勅日暮關山
何處邊

簡袁五永之

翠壁冥濛日吐雲湖中雨色未全分清時自覺
山林逸野性偏於鷗鷺羣小艇迴谿期泛鶴夕
陽高柳遲論文衰容已謝當塗子他日同飯滄
海君

雨後泛湖過楞伽寺

湖上羣峰環翠屏雨餘泉壑香瓏瓔鷗鳥故傍
山人艇江漢誰占處士星野寺松杉叢古殿竹

林風日淨虛廳空山自結荷衣侶石榻來繙貝
葉經

閑居

逸舍扶踈千樹林古臺鶯語晝沈沈山童佐舞
調雙鶴病客閒居戲五禽阮籍猖狂讐禮法仲
長樂志薄朝簪馮高更覺青冥遠弋者徒聞黃
鵠音

席上贈天池山人陸采

天池山人氣宕竒擊筑同酣湖水湄紫髯灑灑
飲無算白眼茫茫知是誰門對西山霞日爛坐

臨秋壑澗花垂呼鷹走馬長千里却憶狂遊白
下時

立秋日病起作

病客朝來梳葛巾柴門今日秋風新英英雲朶
白於雪靄靄山光青近人靜列圖書千挺竹老
甘溪澗一杯葷還期拂袖名山去玉洞金堂寄
此身

宗伯昭過訪作

盛世徒嗟麟在野空山喜見鳥求聲巖平總棄
人間世郭泰終懸海內名石壁寒雲蒼括秀霜

林落木紫芝榮相看歲晚堪携手轉見江湖浩
蕩情

山中荅顧中丞華玉見寄之作

湖上秋風吹錦林丹青巖壑迥蕭森鏡中魚鳥
忘機久象外雲霞觸思深濁酒蒼苔願嬾性高
山流水愧知音清時投笏誰能侶贈爾冥鴻萬
里心

秋日

木落風高征鴈羣渚青沙碧石湖濱山堂颯爽
翻黃菊石磴巉巖掃白雲賈卜君平非辟世閑

門玄晏寔耽文深林絕壑高眠穩不道雞鷄中
夜聞

尚之過飲菊下有作奉同一首

菊花爛熳開滿堂白雪翠壁搖秋光管寧榻靜
坐終日陶令籬踈時一觴野鶴向人紛自舞浴
鷗喧渚澹相忘老農饌客唯麤糲祇賞南山萬
壘蒼

壬辰歲至日諸友過飲作

柴門病起逢陽生雲晶日采搖虛明桃花蒸暖
劇欲吐揚柳籠烟殊有情看竹已應憐子敬當

筵總復似公榮越溪春色渾翻動次第風光把
盞迎

九日衡山內翰燕集溪堂有懷涵峰伯
氏

十日風雨今日晴秋湖倒映千峰明溪堂烟烟
德星見嵯壁冥冥嵐翠生風花節序轉姿媚人
物山川稀合并手把萸杯獨惆悵天涯鴻鴈想
南征

劉司空南坦自呂山遠寄松英藥餌

當朝曾插侍中貂步履星辰上紫霄忽憶故山

還拂袖閒臨流水臥吹簫坦林晝雪圍松蓋弁
壑春陰長藥苗寄我遠從丹洞口報君惟有白
雲謠

雅宜山人集卷六

雅宜山人集卷六

春劍身藥苗寄女對丹阿口時我對白
出開湖流木眉湖信林書書團公蓋代

雅宜山人集卷七

明吳郡王寵撰

五言排律一

正德稿

虎丘東溪漾舟

獻策未能遂春山數展遊兩行花對發一鏡水
平流似得桃源去何慚刻曲幽高枝懸幕下落
翠把盃浮擁棹波紋亂迎檣燕語稠雲光披石
磴霽色滿汀洲山簡何辭酒知章况有舟機心
吾已矣舞袖拂沙鷗

石湖作

自得名川勝沿洄殊未窮秋高千嶺出地闊五
湖空古堞雲橫雉縣梁影卧虹樓船催畫鼓野
寺落丹楓綺席波光蕩紗牕霧氣通山人何惜
晚歸路使樵風

五言排律二

嘉靖稿

文二丈內翰過山莊作

將逕薜蘿合仲園山水圍憐君棄金馬數爲訪
荷衣酌醴枯魚爨調羹菰米肥溪溪水華淨嶺
嶺秋霞飛林茂鳥聲樂山空人事違靜知觀槿
暇歌識采菱歸密篠盈丹壑高花落翠微相招
桂樹隱共息漢陰機身世杯中物生涯湖上磯
洋洋泌之曲客去掩荆扉

山居即事

靜鍊齋心後焚香清燕餘鮮雲常抱石垂楊半
拂渠蘿壁夏陰合槿園秋氣初巖花枕上落山
翠鏡中舒余秉棲霞性賴茲脩竹居人如叔夜
懶道奉老聃虛室有盈觴酒門無結駟車石壁
莓苔古金塘茵茵踈瑶琴山水奏竹簡烏魚書
陸生卜好時陶令愛吾廬庭擾冲霄鶴溪翻樂
藻魚不鳴還學鴈全生本類樗已矣衡茅下眷

言終荷鋤

新秋夜坐

流螢乍拂棟明河初亘天空山今夜坐秋思獨
娟娟衆壑流清響千林迷白煙草蟲喧石壁海
鶴唳芝田默默撫玄化潺潺聞暗泉朱華行已
矣金氣肅無邊久卧馬卿疾彌催潘今年浩蕩
風塵裏蹉跎江海前黃金臺縹緲白壁涕潺湲
已謝先容木徒贈繞朝鞭生平紫芝戀果協青
山緣明發懷禽尚臨風意慨然

遊覽與二三子作

芳挹北山桂飢茹南澗芝悠悠二三子空谷白
雲期爭業青蓮宇澄懷秋水陂閒來展玉冊興
至引藤卮自取山人適而將玄化窺朝隨野豔
出暮與落霞之龍性誰能擾鷗機本不疑形骸
元土木悔吝廼磷緇是節方流火涼飈清我肌
露華盈北渚月采耀前墀松作笙簧聽川將縞
練披酣歌似河朔清燕類南皮若問窮通理蒙
莊吾所師

山居簡湯二子重

山空更秋雨人嬾復懷痾悵矣采芝暮悠然伐

木歌鏡窺潘鬢改室暗范塵多哀響踈櫺度殘
鐘夕靄和峰當蘿戶列泉繞薜堂過倚樹調玄
鶴臨流弄白鵝崩楂橫斷岼急溜瀉圓波林芳
坐銷歇歲晚將如何

酬張子言寄遊西山之作兼呈王子美

朱子价

茲山拱帝州聞爾麗春遊北枕居庸塞東馳遼
水流金屏障魏闕玉壘壯神丘海日呈仙掌霞
天映石樓龍輿曾此駐鳳吹至今留香刹千巖
起珠林萬壑稠懸泉飛噴玉空樂亂鳴球紅慙

桃花磴青依蘭葉洲九仙芝蓋集三日羽觴浮
夜宿星龕靜朝攀霧洞幽采真隨白鹿望氣識
青牛寶思名山發璫章下里酬羊何應共和嵇
阮本同儔獨有南冠客年年滄海頭

曉

綠荷遙挺蓋紅蕉半卷書秋風一蕭瑟簷影散
扶踈宿雨澄氛靄朝陽翔太虛人煙雜魚鳥山
翠滿庭除碧委梧桐始紅催茵茵餘天心察羣
卉貞性在幽居峰態隨霞變瀾光與日舒莫將
憔悴色貽笑楚江漁

雨後

林園過雨後澗壑淙潺靜院霞光落虛簷翠
影還夕陽時漏竹秋聲併在山銀塘荷葉晚錦
石蘚花斑壁挂秋琴淨人同野鶴閒傍崖流石
乳臨水秀松顏只此自怡悅那知人代間

七夕與朱子日宣正上人

河橫見機石月靜敞針樓山人不乞巧風物自
觴秋哀響激林壑肅氣警衣裘婉孌邑子集清
爭野僧留湖練光初動煙綃撲未收停卮聽鶴
唳褰幌看螢流有客歌商頌聲如金石遒

五言絕句

嘉靖稿

秋夕四首

秋風日夜清房櫳有佳色悠然東窓下落落羣
松直

其二

山月照石壁爛熳舒金波颼颼梧桐委孤鳳其
如何

其三

白露警秋鶴哀音中夜聞瑤琴為掩奏飛響入
青雲

其四

巖扃夜犬吠寥寥人境空羣動皆已息孤嘯深
山中

山中折杏花寄元賓

山中杏花開上有黃鸝語折寄同心人相思渺
何處

堯峯十二咏

半峯亭

孤亭倚翠微青青四山抱期與鹿皮翁石上餐
瑤草

清暉軒

康樂戀清暉徘徊碧霞裏而我愛名山學道終
已矣

碧玉沼

山中百道澗噴薄落金池倒見芙蓉碧洋洋堪
療飢

觀音巖

攀崖采石髓躡磴訪金仙壑壑香花滿祗疑兜
率天

白龍洞

白龍卧巖洞霧雨長冥冥或化白衣老空山來
聽經

多景巖

群峰翔龍鳳效竒多景巖道人勞應接長日倚
風杉

寶雲井

月照前山寒夜半吸深井鏘然古銅瓶投盡千
尋綆

偃蓋松

蒼松偃巖苔屈曲如蟠龍有時風雨來天上聞

笙鏞

鐵塔

鐵塔翔雲表飛從海上來瓊瓏七寶碎面面毫
光開

妙高峯

獨立峰之巔群山伏在下遨遊青天中雲螭為
我駕

東齋

旭日散高齋離離檀樾影焚香對寶冊古院蒼
苔靜

西隱

結菴西岩中落日丹霞爛群聞將夕
紫翠交

凌亂

六言絕句

嘉靖稿

楞伽之麓有堂三楹堂前有竹數百挺
竹間有泉余與諸友所遊憇而藉以遺
世者也掌之者僧方正遂謂之曰古泉
上人余倡為短歌二章諸友和歌之云
耳

我輩慚非玄度羨君不減支林古木脩篁道院

清泉白石禪心

其二

清夜泠泠琴筑春風片片桃花洗耳直超千古
臨流共演三車

七言絕句

正德稿

春盡二首

榮華夢想今何在江海飄零未有涯可惜少年
留不得東風二十五迴花

其二

花枝酒盞獨無因兀坐騰騰過九旬百歲韶華

金不換若為狼籍此番春

詠馬三首

支公櫪上憐神俊漢武關西產渥洼笑我騰驤
何處用齊雲樓下醉穿花

其二

紫勒紅纓雪色毛可憐驕態點頭高能窺新月
藏朱閣慣惹花枝習白袍

其三

春色平臨雪際開山河如錦馬頭迴垂鞭杜曲
看花去下鐙臨叩貰酒來

送伍主事疇中

仙吏朝天畫鷁催石湖飛雨錦帆開謝安強為
蒼生出還戀東山酒伴來

宿龜山三首

海嘯湖傾天日黃片帆指落龜山陽長年三老
遙相問公無渡河且徜徉

其二

湛湛長江楓樹林仙家遙住翠微陰舟中指點
屏風疊天上瓊瓏山水音

其三

浪打天門蹙百川風雲瀕洞漭無邊未騎白鶴
三山去猶伴沙鷗一宿眠

歸途覽勝追懷遊事八首

雲飛玉立恣竒遊海上三山十二樓此日圖經
窺禹穴他年雞犬上丹丘

其二

十日窮懽辭碧山片帆輕拂五雲還桃花流水
仙門曲回首重迷銷夏灣

其三

雲作樓臺石作蓮青天不動畫屏鮮棹歌一道

滄浪去指點虛無范蠡船

其四

一柱支撐高浪中丹房石室閔瓊瓏即看天月
雲門對更取峨嵋雪嶺通

其五

千里尊羹縮項鱸黃甘朱橘不論錢柁樓把酒
山川滿高嘯何如李郭仙

其六

東南流水蓄三吳浩蕩排空砥柱扶日月高懸
騰寶氣山河長拱衛靈符

其七

七十二峯森插天丹青畫出劇堪憐蛟龍伏窟
湖如掌獨掛雲帆向日邊

其八

覽往未償山水志機心應愧孔鸞群食芝餌木
他年計暗向空中禮白雲

七言絕句二

嘉靖稿

湖上八絕句

石湖春色太可憐却似美人明鏡前錦甸平鋪
鴨綠水白雲飛動蔚藍天

其二

星橋北掛瀉春流映出黃山水面浮霞石天青
飛練鵲桃花氣暖醉輕鷗

其三

春山面面翠屏開盡繞吳王百尺臺一代霸圖
憐燼滅五湖流水恨東迴

其四

越來溪上柳千絲畫鼓游船晚更移一曲紫雲
歌越女雙鬟白雪舞吳兒

其五

三月暮春春服成含風疊雪越羅輕生憎乳燕
撩春色轉遣飛花蕩酒情

其六

數松磊落千尺強恰如天際羣龍翔吟風嘯雨
中琴瑟大澤深山藏棟梁

其七

登山臨水春將歸獨樹桃花猶未飛玩世繁華
真歎忽後時顏色轉霏微

其八

古木朱藤踈着花淡雲斜日淨江沙黃金臺上

無推轂白石山中有歲華

題文待詔山中詩卷

康樂流傳臨海作一時文采媿羊何只今寓直
金鑾裏還憶東山舊薜蘿

丙戌春寓楞伽精舍杏花盛開忽雪霰
交集山僧折枝作供戲效白體賦二絕
山房昨夜杏花開惡霰狂霾橫妬來折取一枝
禪榻畔紙屏聊當避風臺

其二

十載空門苦行深銷除不盡惜花心一枝傾國

渾無賴老衲狂來擊鉢吟

散步楞伽諸院口占短句

高下禪房依碧山花枝彙歷鳥間關風光處處能牽惹野鶴孤雲不記還

草堂新製紙屏燕坐悠然作

紙屏合沓白雲圍無數風花蹴燕飛縱有道書拋不讀北山長日閉玄扉

江上望海門雜歌五首

海門日出天蒼涼翠壁紅霞竒錦張羣仙夜飲西王母清曉雲中騎白羊

其二

手持金策振鈴鈴背插龍泉湛七星累月清齋餐翠栢數千文字寫黃庭

其三

帝里嵯峨鵙鵲觀仙家律元金銀臺九天光彩亂撞射五色雲霞時往來

其四

金山山下龍門開白日波濤萬里雷三老嘯風輕掣過天吳罔象劃爭迴

其五

鞭石仙人去不返青天欲渡愁無梁我今飽掇
金光草耳後生風一日翔

丙戌歲家兄履約釋褐南宮歡喜口號
八絕句

彩帖泥金日下傳蓬門花柳闔雲煙十年破篋
長楊賦草褐宣呼玉座前

其二

高懸日月黃金榜對列星辰白虎宮即喜今王
頻策士須知江海有孤忠

其三

北極長安迴北斗南天雲樹引南枝曲江風日
渾如錦可遣池塘春草知

其四

天上五城十二樓龍翔豹變玉京游中興九葉
重瞳主黃甲當朝第一流

其五

御柳春風想玉珂宮袍新剪內家羅他時戲彩
高堂上不數山人着芰荷

其六

駮耳驂騑天下奇十年伏櫪幾摧眉騰驤不羨

黃金勒要識龍駒千里姿

其七

平生自許赤心存謁帝真趨金馬門海日朝
鳴南岳鳳天池春化北溟鯤

其八

磊落衣冠報主身酒壚風竹漫藏真古來麟閣
崢嶸客多是江湖骯髒人

送陳太僕德英歸省閩中四首

三千駮扎蹴天閑光射房星北斗間總道君王
賜顏色特教洗沐武夷山

其二

武夷靈山天下聞曲曲峰巒生紫雲萬壘摩空
將獻壽一星南極正垂文

其三

金魚象笏孔鸞袍卿月青天度嶺高孝子忠臣
今疊見山林鍾鼎興蕭騷

其四

南歸應上越王臺繡壁金城一面開莫道浮雲
能蔽日燕關紫氣正東來

庚寅歲九月廿六日寓治平寺高齋紀

事

高齋盡日看雲生枕上平湖一片明二十年來
長嘯客山中松栢解知名

新築越溪莊薛與忠過訪喜賦三絕句

複嶺重湖錦繡中翔龍舞鳳下虛空倚天一劍
風雲壯指掌全吳氣勢雄

其二

萬壑千巖當我門風流寧啻浣花村浴鳥飛鷺
停書舫草服黃冠吸瓦盆

其三

桑者閑閑竹嶼深春風蠶月柳成陰黃鸝紫燕
鳴相和此是雲山韶濩音

古泉新齋對丹楓作

紙窓棐几竹間房一樹丹楓倚夕陽啜盡茶甌
猶不去野人偏自戀秋光

秋日過千上人山寮作

石菊菖蒲淨小寮跣趺相對篆烟消冥心久入
空門侶不記人間有市朝

途中作

春盡官河春水生兩行垂柳欲藏鶯離家一月

勝子結解道梁園病馬卿

金中

空門對不晴人間百市障

不餘舊歲年小窓幽起時惟

林日過十土入山寮

醉不去理人醉自戀林夫

醉窓集

古泉

即

雅宜山人集卷七

雅宜山人集卷八

明吳郡王寵撰

七言絕句三

嘉靖稿

贈錢光祿元抑掛冠還山十首

春明門外玉河橋軒騎如龍半下朝

總道群公餞光祿山林鐘鼎各逍遙

其二

太常曾奏數行書野鶴山雞只自如

玉冊金章光使節赤墀青瑣夢蘆廬

其三

美殺漕湖即鏡湖桃花流水入虛無南歸不向
君王乞元是滄浪舊釣徒

其四

芙蓉闕下解朝衣白石山中長蕨薇借問季鷹
思玉鱠何如方朔隱金扉

其五

漢主龍飛乘紫霓嚴生苦憶桐廬谿錦袍不易
羊裘暖一壑應將千乘齊

其六

濁酒一杯琴一曲圖書千卷竹千竿江東自古

多高逸不見吳門梁伯鸞

其七

天下山川數會稽千巖萬壑使人迷黃冠勅賜
雲霞主別有仙書降紫泥

其八

稜稜骨肉稱山林流水閒雲淨道心芝草琅玕
能久壽洞天福地合投簪

其九

玄晏先生好著書懶心久與市朝踈君看黃鵠
冥冥去肯羨群鴉腐鼠餘

其十

寵也江湖落魄生玄心時夢采真行何時共隱
屏風疊騎二茆龍朝太清

虎丘送許仲貽

旗亭卮酒送君還去鳥流雲信宿間日暮銷魂
此爲別望君重上虎丘山

偶題

飛花一片逐行雲三月韶華忍見君恨殺越來
溪上柳萬絲難繫鳳皇群

送叅政可泉胡公五絕

東望海門多五雲牙樯錦纜日邊分仗鉞乃知
牧伯貴賜袍新出孔鸞文

其二

虎符連鎮浙西東千里山河錦繡中漢代文宗
讓司馬河南治行有吳公

其三

吳門車馬若雲屯看送關西胡使君曾是玉皇
香案吏名山處處勒新文

其四

文采風流天下傳中流畫鷁仰神仙千篇詩草

遺吳郡百里棠陰盡海壖

其五

五嶽七星瞻我公
摠衣質難數
趨風百年志業
宮墻外千里雲霄涕淚中

桃源縣見桃花作

桃縣桃花千樹新
西風惡浪大淮濱
故園春色穠於錦
腸斷天涯旅泊人

贈丹泉子二首

丹泉上與銀河通
百道飛流元氣中
複洞懸崖雷隱隱
玉叢瑶草雨濛濛

其二

大滌山人餐紫霞
不須勾漏訪丹砂
倚天翠壁猿垂飲
噴壑銀濤鳥戲花

雪

姑射仙人衣鶴翎
空山行雪思泠泠
平沙歷亂開銀磧
削壁欹峯掃玉屏

阻風清河寄日宣

誰解清河是濁河
出門旬日倦風波
越溪柳色重重翠
憶汝臨流弄白鵝

憶山莊蠶事作

素業湖邊十畝桑柔枝沃若競提筐黃鸝紫燕
相將語應識山人舊草堂

寄元賓祈父時二子館于陸墓

長蕩遙連齊女門春來花雨似雲屯羈人枕上
江南路昨夜相逢陸墓邨

清明

湖上千家插柳枝清明風日落花時鞦韆蹴踘
無情緒禪榻茶烟有鬢絲

寄題袁尚之齋中合歡葵

舞衫疊翠雙迴影宮額塗黃兩闔新寂寞揚雄

玄草室合歡花笑獨眠人

歲暮

青山釀雪長陰陰歲暮蕭條棲北林朱門獸火
炙天熱不動袁生高臥心

夜

空山欲雪夜燈孤敗絮蒙頭擁竹爐斗室團團
翻耳熱不知窓外有重湖

月

娟娟霜月夜寒侵宿莽澄湖入望深自笑山中
雲卧客一床林影類棲禽

越溪莊作

翠竹黃花湖上村
西風喬木撼柴門
誰人解識支離子
草屨牛衣自牧豚

雞鳴山夜聞笛寄日宣

雙笛飄飄入紫雲
空山哀調不堪聞
可憐明月人千里
摘得梅花特寄君

歲首諸子燕集

歲首江湖雪霰來
柴門野客物華催
相過莫厭杯千匝
此是春風第一迴

初夏

夏木沉沉綠蔭濃
後峰鶯語應前峰
石牀曲几閒調息
消盡浮雲意萬重

夜

山腰小閣夜焚香烟
滿平林月滿床
十里春湖明滅外
竹枝歌散一天長

新茶

吉日分蜂穀雨晴
乳茶芽筍試新烹
五侯甲第誇鬻鼎
不識人間有大羹

三月十三日晚霽與日宣偁上人循吳

山麓徐行看杏花作

漠漠春陰睡思慵興來扶策過前峰日斜更倚
風篁磴試望誰家花正濃

其二

宿雨初收麗晚霞江煙澹澹薄籠紗山家翠壁
團春色野客敲門看杏花

南園踈雨看移橙石逕蒼苔舞鶴迎一片笙簫
聽漸遠畫船歸盡晚川平

上巳

錦繡山河碧玉天傾城士女簇花鈿年年被楔

春湖曲解道江南樂土偏

雨過

軒窓雨過綠交加山鵲羣飛噪晚霞爛熳一番
春夢覺東風時掃日南花

弁公房看牡丹

水瓶香鼎晝垂簾一樹名花繡佛前不似洛陽
姚魏色太清宮裏玉華仙

入閭山還山

十日春城醉牡丹酒痕狼籍舞衣殘今朝還入
空門侶白拂徐揮講涅槃

空門同王子美湖上看月二首

百尺星橋卧綵虹青天飛鏡水涵空憑君看盡
人間月誰似湖山枕簟中

其二

酒榼茶鐺步步隨春江花月夜何其故人明日
京華去任說山公倒接羅

鶴窩

紅杏花東理鶴窩短牆踈竇護雲蘿百年丘壑
應憐汝萬里煙霄可奈何

晴

山齋晴日煖蜂遊撲地飛花點點愁隔塢緋桃
驚一簇却疑春在水西頭

春夜醉卧侃公房口號

酒後參禪最上乘空山獨夜思騰騰分明記得
前生事曾是楞伽寺裏僧

越溪莊十絕句

湖上堂開桑竹林山人日坐翠巖陰百年落落
皇王事一壑冥冥遲暮心

其二

山水迴環隱者栖丹青畫出越來谿千重柳色

鶯難見夾岸桃花客到迷

其三

勾吳名山如錦屏百里合沓迴青冥龍翔鳳峙
盡竒態日夕嵐光朝戶庭坐翠巖削百千峯

其四

星橋南挂象天河春水桃花湧漫波一曲漁歌
江海調不知清廟有雲和

其五

翠栢丹楓參政祠衣冠賓從想當時唯餘天鏡
樓中月還與山人照酒卮

其六

古丘盤屈臥龍長何似藍田華子崗落日登臨
一長嘯却驚空谷有鸞皇

其七

吳臺越壘屹相參錦繡山河幾戰酣千古霸圖
狐兔穴野人長弄百花潭

其八

草堂正面湖之陽白日千帆明鏡翔丹崖繡壁
芙蓉坼錦浪文鴛杜若香

其九

茶磨楞伽倚翠微
雨花長共白鷗飛
東林爲設淵明酒
狂客時過舞衲衣

其十

越王城邊高柳陰
中有幽人涵道襟
酒杯書卷林間樂
煮石餐霞塵外心

冬日二首

列岫盈窓紫翠屯
孤烟時起灑西村
日長幽鳥如琴筑
院院松蘿靜掩門

其二

媚眼風光恰似春
白沙黃荻水粼粼
軒窓遍啓

拋書坐鸞鶴襟期
土木人

臘月二十四夜觀野燒二首

山頭野燒似星攢
贏得兒童動地歡
歲暮風烟江海思
越城橋畔一憑闌

其二

千家然火照田蠶
翠壁丹厓燭影含
旋喜春風催節序
不知身世老江潭

昨與袁與之談荷花蕩之勝與之云未
識遂賦六絕句呈覽或可當卧遊耳

荷花蕩裏采蓮歸
九龍山頭暮靄微
輕身倚楫

下前浦花氣人香逐浪飛

其二

青山如屏碧水迴萬朵菡萏參差開歌船舞棹
垂楊畔十里繁華錦繡堆

其三

藕枝如玉翠蓮房白白溪魚紫荇香落日舵樓
傳玉掌中平列萬山蒼

其四

蕩裏人家齊賣蓮十五女兒工數錢柴門一片
花如錦野老風前高樹眠

其五

吳王城中十萬家赤日搏空蒸紫霞山人散髮
弄秋水自狎鵝羣兼看花

其六

蔣福山瓜蘋玉如水盤削出錦筵舒持杯忽憶
東陵子昨日王侯今荷鋤

春日吳子雨過山居作

雨重烟濃山更深半窓樓閣畫陰陰道書一卷
香疑榻巖翠千層鳥墮林

湖上逢曹子繩之

童子論交二十年舊游濩落已茫然石湖三月
梨花雨忽漫相逢野寺前

西陲告寧喜家兄還朝五絕句
五月神京喧出師天王赫怒勦獯夷近臣拜
捧金龍勅大將高懸白虎旗

其二

我明赫赫雷行天萬里折衝香案前半夜胡兒
鳥獸散邊人馬上髑髏懸

其三

紫微舍人尺五天西征書記何翩翩即看玉節

臨關右旋喜朱衣朝日邊

其四

自古咸陽稱帝州終南萬壘黃河流使節方羊
覓形勝書報山人聊卧遊

其五

秦中魁壘多竒夫深山大澤蛟龍徂籌邊儲將
正今日還有封囊薦剡無

曉起飲蕉露作三首

紅蕉含得金莖露翠葉疑擎仙掌盤一勺靈漿
和玉屑清風颭颭擬騎鸞

其二

每羨靈仙握石髓嘗聞丹洞吸朝霞我亦山中
餐沆漚他時五內發金砂

其三

管城知非食肉相王烈嘗逢石乳流山林鍾鼎
亦何意玩世總作逍遙遊

石民望朱日宣正上人雨集草堂摘芙蓉作二首

其二

名花綽約映彤簾一院苔痕翠雨露野老過墻
桑落酒山家留客水精鹽

其二

玉箸流膏紫蟹肥山堂開醜白雲飛柴門靜掩
無塵到舞鶴當堦弄雪衣

董子元宅有牡丹名舞青娥賦詩奉乞

見說名園多異花春風春日鬪妍華若爲乞得
青娥舞分取巫山一片霞

張子月鹿彭子孔嘉金子元賓吳子祁

父過越溪莊命酒芙蓉灘作

千朵芙蓉開錦屏長林暮靄青冥冥嘉賓映坐
鸞凰集野老扶藜土木形

秉燭花下再賦一首

銀燭紅粧相映輝
美人嬌醉舞羅衣
一林香霧空濛合
恰似巫山行雨歸

湖上

群峰合沓錦屏圍
樹色泉聲帶晚暉
盡日拏舟無一事
平川十里看鷗飛

西齋雨坐與日宣三首

西齋晤語靜焚香
寂寂山家秋晝長
千朵芙蓉映修竹
一羣沙鳥浴迴塘

其二

屈指重陽只三日
無那風雨喧秋江
茱萸滿枝菊半吐
况復新筍香滿缸

其三

肺氣秋來覺漸蘇
此生無恙甘江湖
左手持螯右把酒
仰天擊缶歌烏烏

越溪芙蓉盛開病不可風童子日摘三

花作供二首

美人縹緲欲凌波
日對三花可奈何
為爾多情更多累
紅妝惱殺病維摩

其二

葉葉花花曉露新
天姿奇艷絕風塵
還疑金谷園中種
何似昭陽殿裏人

美人點
冬日過高齋

暫往常為竟日留
此身無繫只虛舟
青山百疊湖千頃
肯易人間萬戶侯

式賦西
蚕忌

鶯老花殘不記春
閉門蚕忌動經旬
寧知畫閣鳴箏女
墮地粧成錦繡人

草堂作

紫端新浴墨波香
竹覆南軒翠蔭涼
未縷爐烟

疑不散數聲鶯語
呀偏長

戲簡補之與之

伏枕聞君樂事偏
鈿蟬金鴈捻堪憐
何時共醉桃花塢
解盡春衣當酒錢

落花

花枝瞥眼又闌珊
誰乞黃金反少丹
一院殘紅堆不掃
春風開落兩迴看

無人
酒課農

風雨冥冥花未濃
野人湖上課春農
酒酣不見高陽侶
愁殺山齋獨聽鍾

高翥踏青

茶磨山前水似苔紅粧隊隊踏青回衣香花氣
熏人醉蛺蝶蜂兒撲面來

嘉靖癸巳三月晦日將往白雀寺與碧

峯禪師虞山泛舟二首

層巒疊壁映朱簾風軟塵香四月天十里山塘
看不足翠屏合沓午雲鮮

其二

遠公相對靜移舟山似芙蓉水似油白雀白蓮
堪結社送余還過虎溪頭

宿白雀寺二首

木魚聲起梵音長子夜焚香禮道場病客齋心
渾不寐萬緣都掃事空王

其二

繡遍華巖幾卷經殿堂突兀帶春星此身已習
禪林侶破衲枯藤野鶴形

王翁竹泉過訪頗談仙莊之勝贈五絕

句

白髯瀟灑葛巾長可愛仙翁鸞鳳章十里相望
雲不隔丹泉綠竹午橋莊

其二
短棹經過荷茗爐荒村古寺訪潛夫仙莊自秘
長生訣笑我青山調水符

其三

丈人折行意交傾伐木丁丁山鳥鳴玉麈徐揮
風骨爽碧瞳相對道心生

其四

偶隨白鹿下仙莊衣上猶餘竹粉香見說萬松
森絕壁清風終日奏笙簧

其五

人世分明有洞天野人逸興忽翩翩嵇康久願
從王烈石上同餐玉髓泉

白雀返棹李王二子送余過虞山下作

六絕句

遶郭圍屏十八里尚湖華蕩舒其前山明水麗
照斜日一片天池千朵蓮

其二

芙蓉疊壁錯奇錦琉璃千頃搖青空把酒掀簾
一長嘯真堪狂殺米南宮

其三

隨山高下野人家
春夏林深不斷花
可柰流鶯千百轉
陰陰綠樹映紅霞

朱樓紺宇鬱相參
倒影斜飛墮碧潭
落日畫船搖曳處
土風還自樂江南

其五

晴空飛雨灑輕帆
倚棹遙臨拂水巖
十里煙嵐翠欲滴
令人思卧桃花巖

其六

故人相送且夷猶
煙渚微茫起白鷗
他日更期

徐孺榻今宵還醉李膺舟

送陳九臯遊金陵二首 臨終作

鳳凰臺高高入雲
一匹素練長江分
腰間紫氣動牛斗
倚劍長歌遙送君

其二

金城玉壁帝王州
對起雲中鳩鵲樓
看君草就三都賦
遲爾同爲五嶽遊

雅宜山人集卷八

雅宜山人集卷九

明吳郡王 寵撰

賦頌序扣

迎春賦

欣陽和之迴馭穆上皇於東方睠山河以占氣
羗朝霽而蒼蒼澹萬里之風煙霽容與而含光
何芳春之乍臨而膏沐之滂汪也於時皇風載
夷長吏崇規矧三吳之靈境表都會於南陲山
川環帶風氣華靡百花洲上春雲麗鳥鵲橋邊
春日遲春雲春日共交輝無數樓臺向景披紛

九衢之紆直貫金城而交馳抗飛梁於螭首跨
綠水之逶迤若個陌頭無擁面若個遊人不解
眉共傳春色天涯至爭道春光今日宜龍嚼寶
勝飛雙隊鳳吐流蘇拂四垂粲綵花之歷亂紛
羅葉之歲蕤窮剪綴於萬態絢丹碧之陸離玉
釵弄影娉婷女紈袴棲香輕薄兒高調遏雲而
羣奏繁絃應手以逞奇莫不目眩神竦耳觸心
悲則有王孫接騎公子交嬉千金換馬尾搖絲
八寶裝鞍光照地飛鞭誤觸綺羅車敲鐙誰知
臺府吏慕鴛鴦之野偶願鸞皇而接翅弄袖妝

妍傾身佯醉異目成之我與又恍惚而靡遂雲
開朱閣對芙蓉日射彤簾藏翡翠芙蓉翡翠一
時新總是江東絕世人動館娃之春思慕西子
之芳塵蟬髻新傳宮掖樣雲光恰似洛波神每
嬌羞而掩態或搖曳以呈身翩翩飛燕能輕舉
孌孌遊龍不可親默含情而未吐恨鬱思以何
伸袒道春歸春意濃寧知春到春心亂嘆佳期
之寂寞悲年華之屢換朝朝璫圃愛花開夜夜
蘭堂看月滿花月娟娟能幾時榮華冉冉嗟將
半信春思之飄揚亦春愁之瀰漫年年風景倍

傷春歲歲彫零無故伴於是僕本賤人沉淪江海見沙際之春歸驚天南之歲改紫禁春光不可攀朱顏春色那能待悵日月之易逝撫功名之安在齊雲樓下幾逢春祗是當年原憲貧差池春羽慙黃鳥憔悴春衣懸紫鶉吁嗟乎弱柳絲絲拂建章宮花朵朵艷長楊人生不及春花柳長得天池繞鳳皇

觀物賦

家兄有金鑪朱几各一予觀而愛之因命賦焉其辭曰

信茲物之佳麗超羣美而莫當液金精以鍊質
騁寶刀而呈祥文章並發規矩齊良爾其委蛇
甲帳燕寢洞房或玄談於素室亦雲會於朱堂
隨宜不滯應用無方薦右座之錦席飄南海之
奇香丹縠掩色紫蘭罷芳瑤華之噐君子之光

參差賦

余聞王卿子美文子壽承皆善吹簫賦以贈之
曰
彼江南兮紫管洞罕節兮條適握會合兮象牙
爛朱脣兮金鈸承公子兮光御發官商兮清秋

羗明月兮翔東美要眇兮雲中攜佳人兮燕後
宮臨曲池兮伏丹櫳吹激楚兮順揚風霓裳飄
飄兮鸞皇若逢紛余去故而就新兮四海焉窮
蹇誰留兮中止忽婉孌兮聲靡眷寶結兮同心
矢偕老兮君子終嗶噫兮縱所之朱顏倏忽兮
能不悲人生幾何兮朝露晞歡樂不常兮日月
馳安得千秋兮永若斯亂曰繁音促薄兮蕩人
心罔象相求兮窮高深神歸來兮勿周章彷徨
四出兮恐弗勝聊逍遙兮澹容與哀中則兮樂
不淫

感舊賦

正德辛未寵師事林屋先生于包山精舍凡再
閱暑寒而退迄今庚辰八年于茲矣乃復來山
中作感舊賦其辭曰

紛余慕夫好修兮潛大道以游神泝江河之浩
溘兮悵欲渡而無津彼括匠之巍峩兮揭日月
于八垠折䟽麻之瑤華兮將以贈夫斯人亟愴
怛而仰鑽兮又靡知其所止紛蚪龍之下上兮
尺蠖蟠旋于泥滓車旣怠而馬煩兮阻山川而
徒倚忽日月之我適兮去冉冉而不已經疇昔

之故居兮志歆憾而顙泚泝淹留以無成兮將
復修吾初服佩長劍之陸離兮冠切雲而矗矗
民生各有所樂兮放吾道于空谷吸朝霞以爲
漿兮夕復食夫秋鞠苟矩矱之攸存兮異來者
之可追吾令羲和弭節兮將以窮乎我師路曩
曩其阻修兮殫吾生以求之亂曰驂駢斯皇莫
予好也洵彼前修爲我導也海嶽嶄巖何當造
也長夜漫漫志懣躁也矢心白日遵長道也

拙政園賦

侍御王公敬止世吳人也寓籍于燕弱冠登進

士官侍御史出按遼陽以不阿法抗中貴謫上
杭丞再丞涯之都許驛徒知永嘉判高州竟致
官歸吳焉公疏朗峻潔博學能文辭遇事踔發
當孝宗朝我冠簪筆儼然柱下有古直臣風
一不當當路意三投炎海折翼而下可畏哉戒
途之難也公則茫焉若遺逍遙以嬉乃築室闔
閭之城背解市面水竹斬蕪糞莽取勝自然頗
愛潘安仁閑居之篇附于拙者之政寵遂賦之
以譎厥事焉其詞曰
緊蹇蹇之王臣秉靖恭於爾位企遐風於往哲

干青雲而高議際明時以自奮謂誇誇其無忌
冠切雲而直指惟一人之余媚鎔錐利而鉞刀
揮毛嫵都而嫫母恚信人情之翩翩羗愛覺其
奚自睇天門之遙遙臣得罪而遠去信犬吠而
掉尾虎磨牙而蹲踞快一斥之不復薄炎荒而
窮馭占巫咸兮則曹決唐生之猶豫爾乃稅鞅
故國徊翔首丘豈宇宙之迢迢何余栖栖而倦
游我蔭有廬我耕有疇彼季子之奚人逃卷衣
於長洲洵伯通之不羈賦五噫而聿適經山川
之故墟眷君子而夷猶撫嘉木之蒼翳接吳會

之長流羅以爲囿言旋于休乃有滄浪之池夢
隱之樓臺以遐觀堂則若壑竹栢得真橘柚皇
斟郁李張梨櫻胡棠棣齒蒼茶縻丹爪綠芋華
實駢羅溝塍錯互於是風妍景熙六合澄朗時
鳥變聲鮮雲如掌曳山簡之接羅披王恭之鶴
斃良儔言集恣意偃仰修山陰之故事和蘇門
之遺響朱果在摘頰鱗挂罔醞醱載浮圖書弘
敞信巧拙之何居澹玄心於天壤眄鴻飛之冥
冥知下上之泱泱彼爰居之道遙奚鐘鼓之爲
響吸元化以潛神漱瑤津而獨往永寤歌於
聖明錫萬年之鳩杖

送大學士延陵吳公展墓還朝頌

遥遥延陵干襪篤祜有聿其興作我明輔我
輔伊何峻德以升維鼎有鉉天子所馮維北
有斗元氣酌斟掌制代言式玉式金臣拜稽首
籲天而呼臣則何能先臣是謨襲訓蹈方以幸
無辜祿弗代養臣心如剗有墓者原文走兔狐
乞臣之身我糞我驅帝曰咨嗟若痾在余汝
往欽哉遄而來而望書煌煌相臣啓行其從如
雲東南干征祖考咸喜孝孫歸止神旗豹尾六
轡耳耳天平之阡其氣鬱葱象仲石馬有光如

虹日吉辰良協于著龜鳩我祝宗麗牲于碑孝
孫來享載弁球球肩臚胎骼邊劔以羞有玄有
清其酒思柔降登受胙賚爾思成翼翼孝孫維
王之楨錫之萬年秉國持衡爾駕爾車天子
爾思孝孫稽首握鬯涕洟豈不永懷畏此簡書
肅我徒旅敢遑寧居前驅舉燧後乘抗旌注心
紫闥結慮承明如渴如飢軫我皇情胡不夙夜
僕臺倍程維我相臣既孝既忠秉心塞淵以奏
膚公孰不有君孰不有父允矣哲人萬邦作矩
昔周之宣爰有吉甫燕喜孝友載歌于雅於赤

大明主聖臣良穆穆皇皇于周有光小子作頌
誕告多方

嘉靖丁亥方齋袁君六十壽頌
學書相愛徵所以壽君者於寵君少時與家大人同學於張先生氏絕相愛也家大人嘗言君之雅馴自童已超儕輩遠甚同學生不下數十百人獨君為高第弟子蠟蠟翼翼同學生皆嚴事之惟謹稍長即把握門戶以儒行飾賈業頗事廢舉操奇累贏乘時變化有計然之畫以故

貨用鼎盛而君獨晏如雍容談詠不礙圖史中
歲仕為崑山鑿學訓科即謝去事母極孝與弟
懷雪君雖白首猶如童時下上出入怡怡也可
謂敦嫻孝友篤行君子者矣有子二人從子四
人皆峻挺奇拔鵠峙鸞翔古之八荀五竇莫可
儔焉維君蘄立夙成劫劫自對葆光蓄祉以麻
後昆天之所以申錫於君者焉可涯已是宜頌
頌曰

河流經天崑崙吐之有粲琳琅藍田沃之天錫
素宗維君鍾之君鍾維何亦既孝友奮自童髫

要于白首娟潔好修握我璫玖玉立而頽野鶴
昂昂魁殊秉哲百夫之良如墉斯崇如棟斯強
載拓高門閥譽騰翔羣髦挺發振振麟趾神啓
其胄享有多子駿躍天衢一日千里袞袞公侯
爰卜其始繫君之遺碩大廼延辟彼良農蔗菘
寔先食報于德於萬斯年彼蒼可徵燭微洞玄
豈曰難謀仁者獲焉小子作頌敢告司筵

秦漢文序

嘉靖癸未天水可泉先生來刺我邦憲古振文
式崇化本數進諸生館下追琢龔厲範以矩矱

越明年出所編次秦漢文授之讀既受卒業寵
蹠而請曰是編何居先生曰五經其炳矣日月
宇宙弗可湮已近古而閔麗者其秦乎其漢之
西京乎今士以文進古之制也而業之者弗古
是程吾惑焉攢撫經傳苟以徼于有司其尤疵
者口耳乎帖括剝裂乎佔俾秦與漢無庸及焉
吾怪其涉之流而不飲其源也將浚之使遂闢
之使廓而毋用是謏謏促數也文其有倡乎寵
曰然則左傳國語尚已何遺焉先生曰左傳國
語其旨奧其辭簡其爲書也聯屬而成章經之

翼也小子識之爾烏得而選諸寵曰然則西山
真氏之所輯者不既躋乎先生曰夫文也終始
有體節奏有變繁簡有裁經緯有章辟之樂焉
一音弗備樂弗諧矣吾竊疑其析而不屬也離
而不理也懼學者之窺其一而遺其二也寵曰
然則東京以後不亦有可錄者乎先生曰氣未
見其渾也體未見其雅也間有之吾懼學者之
作法於涼也故略而僅存焉寵既聞命爲之刊
其訛而是正之郡人湯民愿而好修請以梓梓
成寵敬以所聞者載諸首

送大司寇莆田林公還閩序

正德辛巳

今天子既嗣大歷服曰咨宰臣天

既命予有家亦賚予良弼越在閩粵之野茲惟
共工乃諧兪曰休哉則使使自京師東南馳數
千里起家拜公爲工部尚書嚴督之駕公䟽辭
天子弗允再䟽辭再弗允連三䟽辭黼席益仄
使節交至越明年嘉靖壬午公力疾驅道遷刑
部尚書俾帥若屬以掌邦禁居無何公謁告入
乞身于朝天子挽之益牢公弗克起又明年
癸未七月上可公行於是天下之士相與議公

之出處臆決唱聲各持一談曰方今天下皆進而公獨矯之以退天下皆園而公獨斲之以方要亦異夫人而已矣則又曰君仁臣恭禮之經也一龍一蛇時之化也公何心哉其視天下如浮雲之飛揚往來於太虛也而天下望之如鳳皇之翔于千仞搏扶搖而弗下也公何心哉之二者皆非也公之心天下之心也夫自結髮入朝弼亮三世德邵功焯屹爲元臣旣卷而懷王鼎重輕彷徨海隅以俟其清旣而際明君履文石斡旋天機經緯六符調之齊之大羹其和迪

我高后繼明緝熙千載一時也而公豈自失厥會耽高尚之名而薄金匱之業哉故曰之二者皆非也繫公之行殆必有掣于事而局于時者矣掣則肘不可以運掌局則道不足以廣謀孔孟其猶病諸而獨今之君子乎此所以不得已而行而不能以三年淹也寵不佞何足以窺公而衆言淆亂敢以是折衷焉謹序

送天水胡公序

叙曰自秦郡縣天下而有郡縣吏秦吏大抵皆酷也漢良吏爲盛班固氏傳循酷而吏道備矣

余讀循吏傳論考其世未嘗不喟然嘆也蓋鈞
姦擿伏取威對聲赫赫若揭日月而行者世
所稱良也至若風學敦禮植本培化使民回心
而嚮道漢吏亦無幾焉夫以循名者猶然而況
其下乎我皇明受命溥將疆理萬國循吏如林
然窘於期會書牒者繁焉故聖人作而化室禮
樂衰而風微薦紳先生所扼腕也嘉靖癸未吾
師天水胡公自皖守徙吳吳啓於泰伯春秋時
有季札子游輩興故其民以廉讓文學相高猶
有先王風也然瀕海下濕土浮而民惰卒難帖

服亦其地然也公下車葺泰伯之宮崇子游之
祀廣厲學宮躬帥諸生習射鄉冠祭之禮飭匏
絃管祝金玉之噐磬折盤辟示以揖讓執經講
解與相問難酬荅褒其異者降為主客之儀不
暮月而吳之風泱泱矣夫吳號難治以金穀溢
騰賓傳狼藉吏隸舞法誹刺叢興也而教化獨
闕焉豈非隆本抑末顛倒無當哉公超然遠覽
獨追古之人而與之上下摹畫奮以泰伯子游
爲必可師而進我吳于三代之列故化易行而
功則倍信道不惑之驗彰明也使吏天下郡縣

者皆如吏吳之吏王道成矣迺夫廉以遠利明以蔽獄詳以理賦嚴以督姦儉以節費恤以柔民皆炳然爲天下稱首而求所以綱維鼓運回斡轉易則唯古之道也故略而弗著焉乃丁亥之秋聖天子擢公爲山東左參政吳民丁壯號哭老人兒啼曰公去我乎民將安歸於是其門人王寵識公爲政之大者以序其行以爲他日傳循良者告也

送王子祿之會試詩序

尸子曰凡水其方折者有玉其貞折者有璣也

蓄寶之淵必異常流彼漫渙而崩奔者是礫石也巳故寶彰于蓄士見于蔽豈待登清廟綴玄冕而後窺其景曜坐明堂籌紫幄而後挹其風槩哉王子祿之產于名家胚胎前光出遊鉅人斧藻令德羈貫隸學官弱冠舉于鄉聲華漸起顯庸可俟王子方挾冊從諸生講受侃侃翼翼矩折規旋濯纓清流掃軌塵雜汎濫羣籍操追古人視世之穢汙洪忍不啻鷓雛之騰于九霄而下睨鴟鳶也即使王子服官盛時鵲起當路其必爲矯矯激揚玉潔珠光而不爲脂韋突梯

自混瓦礫斷斷明矣歲己丑天下士羣試禮部
王子以戊子嘉平月先事北征告別于嘗所來
往各爲歌詩以贈之余與王子有一日之長僭
引首篇易不云乎素履往無咎王子慎之哉

送給事中陸君浚明校文還朝序

嘉靖戊子皇帝履大寶之七載也天下士當
羣比于鄉廷臣建議以人才國家所急而烝自
有司匪明匪慎峻良曷登請以京朝官典文衡
便制曰可于是工科給事中吳郡陸君浚明承
命典湖之試事事竣還朝其游王寵揖而祝之

曰給事天子肘腋臣也典文重寄也湖天下
名藩也是三者世所華豔焉而萃之于君君自
諸生卓犖淵偉已隱然望東南旣連起危科讀
書中秘天下想聞其風聲以是握鑑而照操衡
而度測之士無留良矣休哉乎陸君寵竊聞之
上臣事君以人其次以身以身者一世之臣也
以人者百世之臣也然惟宰相爲能以人唯有
司爲能以人有司羅天下之才以致之宰相宰
相度德程能以詔王廢置而布在庶官庶官以
和百揆以序是宰相與有司之權鈞重也卽有

司非明且慎焉天下之才不必盡得相雖聽聽於上無能爲也則有司綦重譬之棟明堂梁清廟榱桷豫樟千尋之名材羅于肆下而工師可擇即所采者皆液構空中輪囷離奇規矩弗能經斧藻弗能施工師亦柰之何哉夫能取者必能用陸君今日爲良有司能取天下之才矣他日履台握斗進退庶官以弼成我聖天子之治將不爲賢宰相矣乎是又可占已詩曰于以采蘋于澗之中于以用之公侯之宮陸君以之又曰思皇多士生此王國王國克生維周之楨

濟濟多士文王以寧我明以之

送楊子任序

士君子窮足以樂斯達足以行心志匪曠形骸匪適標格匪勝名理匪暢羈愁恚懟氷炭相搏衡門之下若拘囚然斯亦奚足與有爲耶東方生云築土爲室編蓬爲戶彈琴其中詠先王之風亦可以樂而忘死矣余性佚宕不耐齷齪守閭井築居石湖之上悠然以山水禽魚自娛揚子子任辱與余遊數年矣子任闔爽駿發絕無城府醇雅醞藉余神酣焉日與余搜窮巖剔幽

壑棲古寺攀危磴挾書冊鼎錙楮匿蔭于喬林
之下琅琅諷讀長吟遐嘯聲荅崕谷或劇談古
人功德照焯名節慷慨輒窮日纏纏弗休罷則
醜酒相勞氣酣耳熱輒自奮他日果得侍明
天子履文石之陛當鯁挺特拔標古人而趨無
容容作轅下駒余所否者有如此酒聞之者或
以爲狂爲僻爲迂余與子任輩樂也子任以嘉
靖辛卯應應天鄉薦北上春官別余于舊隱余
酌之以酒而告之曰子任今果行矣幸無忘石
湖之言

五扣贈別袁子永之

嘉靖乙酉吳郡袁子永之年二十有四領薦應
天第一旣而偕計北上客有觴于道者曰子行
矣應龍天飛颺雲爲翼愴怛歛忽摩于無極余
焉測子之所際邪願扣子之志汎觀流示華實
殊軌秦粵異轡久要之言徵于遠詣可乎遂言
曰夸夫狗權曲士射利鷙擊鵠起濁世一致取
樂當年奔慾逸駟窮靡極曼以明得意子其躋
諸袁子反視仰膺若無聞者

客曰奮跡南紀蜚聲紫闥天子及坐羣公扣

謁射策彤墀爛若星月雄壓九服縮頸吐舌高
步玉堂致身截薛履台踐斗唾手可掇請爲子
祝炙手附熱袁子曰遐舉乘風顯宦待時余何
心哉

客曰星緯曜天川嶽炳地哲人含靈金精玉思
總統前聞妙握能事虎觀增光石渠長價掃蕩
雕蟲力振大雅一言九鼎百代凌跨茫茫周秦
高視不下淵雲之徒鎔冶渾化願子登壇取威
定霸袁子色喜曰華矣雖然僕願食其實也

客曰經緯六符均調八氣大廈構天寰海仰庇
玄澤湧流仁風遐被翊我昌明勒功金匱子孫
初民尚亦有利君子樂之是謂得志辭未及終
而袁子曰善

客曰太山峩峩蔚彼孔林載登其堂石磬瑤琴
欲往從之道阻且深東望徂徠實勞我心願子
停輶爲我躊躇竹簡璧書庶幾啓予勿謂聖遠
人抱玄珠袁子奮然曰美哉言乎茂以加矣山
有木工則度之我有心客則獲之請綴厥詞以
爲我規投文于囊而車騰馬馳矣

雅宜山人集卷九

入世之相素子奮然曰美哉言乎交以味夫山
亭碑為非觀觀竹間望書無幾卷也乃歸聖
浴封葬之直即且紫東望卧來實幾非心願于
客曰太山葬葬德斯正林煒登其堂不響錫琴
而素子曰善無雲之徒然石渾化願子登壇取威
味另尚亦自味哉子樂之是謂骨志彌未又然
玄舉歲流二風遊斯際非昌民傳也金園子孫

雅宜山人集卷十

明吳郡王 寵 撰

雜文

明故承直郎應天府通判祝公行狀

曾祖煥文贈山西布政司左叅議

祖顥山西布政司右叅政

父瓛

公姓祝氏諱允明字希哲蘇之長洲人也祝之
先出古太祝以官氏或曰武王封黃帝之後于
祝蓋以國氏也春秋時稍見於鄭衛漢有九江

祝生歷唐宋多名士而江閩之祝最著其籍長洲也自元大德元祐間有碧山府君者由松江來爲漕府經歷陞平江路總管有五丈夫子季九鼎因家焉生子潛潛生景彰景彰生煥文煥文生顥明正統間起家進士官給事中累陞山西布政司右叅政生瓛娶兵部尚書華蓋殿大學士武功伯徐公有貞女生公生有殊質絕倫五歲作徑尺大字讀書過目不忘九歲病瘍寢處有古詩一編因徧和之名已隱起稍長益閱肆博洽其于書自六經子史外玄詮釋典稗官

小說之類無所不通旣天才卓踔橫從四溢重以內外二祖咸當代魁儒龔錯夾持浸漬穠沃覃思發藻虎躍龍翔蔚然名家超追百代太僕少卿李公應禎風裁峻整慎與可人時以中書舍人奉使過吳妻之子焉弘治壬子王文恪公典文南畿公遂膺薦文恪以得公爲華累試南宮輒不利然聲實益恢典述崇積閉戶掃轍萬言騰涌儒林傳譯寶于隨和當道奇其才將特薦預史事公以獵資僥榮不屑也又數年選知廣東興寧縣興寧民尚譁訐訟牒笏午公至懲

其一二尤無良者姦黠斂迹故多盜竄處山谷
時出焚劫爲民害公設方略捕之一旦獲三十
餘輩桴鼓不警土俗婚姻喪祭多違禮疾不迎
醫而尚祈禱公皆爲條約禁止暇則親蒞學官
進諸生課試講解嶺之南彬彬嚮風矣嘗攝令
南海治之如興寧丙子己卯再鄉試公皆參典
文衡得士之盛與有勞焉在嶺南幾年以當
道剡薦陞應天府通判專督財賦公悉力經總
民不擾而事集居無何乞身歸築室吳城日華
里益事著述洞觀天人或放浪山水間翛然樂

也書法上軌鍾王下視近代晚歲益出入變化
莫可端倪酒酣縱筆神鬼怪幻墨客填門購之
厚直以嘉靖丙戌十二月二十七日卒距其生
爲天順庚辰十二月六日春秋六十有七妻李
氏封孺人子男二人曰續由進士官給事中累
陞陝西按察司副使次側出幼未名女一人嫁
潮州府經歷王穀禎孫女三人公爲人簡易佚
蕩不耐齷齪守繩法或任性自便目無旁人然
默而好深湛之思濡毫展卷游心玄間賓衆雜
還凝神反視川奔雲爛捷若宿構殆天所殊異

平生平雖湛浮不羈亦以濩落難偶大觀逍遙
傲睨當時軼出塵壒非可與拘方之士道也母
徐夫人歿事繼母陳極盡誠孝與人交坦坦無
他腸延獎後進不憚折行尤不喜蓄藏咄嗟揮
霍糞土金帛若其經緯術略局于薄宦曾不僅
試莫能殫述端可慨已所著有祝子通若干卷
祝子罪知若干卷祝子雜若干卷蠶衣一卷浮
物一卷成化間蘇材小纂若干卷野記若干卷
語怪若干卷語怪四編若干卷江海殲渠記一
卷金石契一卷興寧志五卷詩文集六十卷後

集若干卷寵不佞辱公知愛最深輒與其子憲
副君叅撫遺行一二以備采擇辭不詮次莫可
發揚功德惟大君子賜之銘以傳世信後幸甚
謹狀

方齋袁君室韓孺人行狀

君諱臬字臣噐吳邑人曾祖諱某祖諱某考諱
某母俞氏生母趙氏君少警敏授書史輒不難
背誦游里儒張南伯先生同游者無慮百輩獨
蘄出不羣家素儒伯氏教諭君尤踔厲自喜乃
弗售君計門戶支拄棄去卽賈服甫冠失怙殖

滋落君與其季懷雪君兩孱相持抱掃地赤立
侮誣日沓拮据有無外彌內縫茹荼履葛矢以
亢宗奉趙氏尤謹毛瑣事弗咨弗敢行善先意
色養母子洩洩樂也久之益厚葺堂構整秩里
中誦之然弗與弟析白首彌驩中歲諸子挺發
皆童州絕姿珠駢玉列驚異長老君禮謁鉅人
名師益廣蓄古圖書傳記羣之閑館豐之鼎儀
息游肄讀各有次所君所居爲吳利區率些算
角逐驚其奇羸不大競禮讓文術君獨楚楚好
修矩閑尺檢儼以典雅自將數過從四方賢豪

士人稱述名言故實慷慨急難纏纏弗能休人
有過輒面折不作洩忍態人故目之曰方齋子
好吟咏頗識奇字嘗仕爲崑山醫學訓科尋謝
去晚歲結里社以道義相勗月一再集雅歌投
壺雍容醞藉方意其遐享而遽以死也悲夫孺
人諱某姓韓氏父彥哲官德州同知母蔣氏年
十九歸于亥生而凝厚愷祥稱名家女事舅姑
孝處妯娌和方齋君與其季友愛雅稱吳中搗
柔將美孺人與有力也體素羸多疾內政斬斬
弗少弛教諸子慈不愆義初方齋得瘍疾危孺

人憂之五日不食以嘉靖庚寅二月十七日死
方齋疾益篤以五月二十三日亦死兩喪相繼
婚友匍匐驚赴皆哭之出涕曰二善人亡矣嗚
呼痛哉方齋生成化戊子二月廿二日享年六
十有三孺人生成化乙酉十月廿二日享年六
十有六子二人長卽袞領應天府戊子鄉薦娶
盧氏次裘吳縣儒學生娶陳氏女四人適周孝
沈山范相一尚未字孫男二人夢麟夢鯉女二
人尚幼寵與袞同閨兩家世相驩家大人視方
齋君兄也於寵爲丈人行諸子辱朝夕游往來

門屏甚狎悉其行不誣君與孺人雖不究遐齡
高朗令終逝矣同婦子姓駁發咸抱國器何憾
矣袞裘崩裂摧頓痛毒彌結豈爲二老人勤一
生以迪子迄享其成而連以不祿卽鍾鼎之養
奚何逮焉此其心殷殷莫解可哀矣袞裘卜以
辛卯十二月十七日葬寶華山先塋之次以孺
人祔惟先生憐而賜之銘以揭二老人之懿行
以慰袞裘之悲使永永托不朽卽袞裘亦何憾
焉謹狀

太學生吳君墓志銘

嘉靖二年九月十五日太學生吳君卒歛之三月得其年十一月六日葬薦福山感慈塢之原先是君顧言曰以主寵銘寵與君居同閨也君齒列丈行寔子弟畜我晚更折年輩取下目墜過從訖數年雅相驩甚君生平名能交鉅人偉儒自結髮游悉琅琅可數天下有聲者也寵雖稚懼爲君羞而獨以其死累余其曷敢辭君諱燿字次明世吳人也高祖可安鳳翔府同知曾祖伯經太醫院醫士祖澄父朴字世文母周氏繼王氏盧氏世文君無子選羣從中立君爲後

幼而朗澈受易於賀其榮先生弱冠進隸學官爲弟子部使者取其文餼之廩食數薦京師卽數弗利以年資入貢太學未卒業而死君綜博信古耻齷齪事經生佔畢爲文簡奧精深刻去枝蔓弗以媚時詩清越可誦書法宗顏魯公尤善鑒古噐物書畫飲酒博諢輒纏纏談所經見奇譎瓌麗有味乎其言之也聞佳山水奮袂導往壘俎採肉頤指而撰雖老以儒窮而賓筵狼藉謠舞擊筦乃有豪貴人態娶李氏繼錢氏子男二人長增娶賀氏先君卒次封聘楊氏皆錢

出女一人嫁聞詩李出孫男一人支才五歲距
其生爲成化丙戌十月九日春秋五十有八君
任曠不拘酒貲外未嘗問家人生產死而弱息
纍纍無以朝夕天旣嗇其身而忍不豐其後乎
則涕爲之銘銘曰
德則孔嘉而命弗加而年弗遐顛天乎累嗟兒
呱婦髮攀彼靈車天曷劉斯尚綏有家

序班湯公合葬墓志銘

寵與湯君儒暨其子盤均隸博士爲弟子湯君
雅馴闇闇內修人也盤駿踔父子並著名字先

是儒喪其父鴻臚公卜葬堯峯未有銘后十年
喪其母鄭碩人將合葬乃自爲狀謁銘於寵寵
讀其書則喟然而嘆曰夫文猶水乎水無源潢
潦爾矣文無自謬悠爾矣夫文猶水乎湯氏再
世藝文朗秀而斐則先鴻臚之自也鴻臚公世
吳人諱珪字文潔別號素軒雅善詞翰嘗以詩
謁徐定國定國異之
鴻臚寺序班直人文華殿光顯矣居文華以親
老弃其官歸性篤孝親沒尤嚴烝嘗享年七十
有七碩人胄長洲諱安字妙安婉若而嫫相鴻

臚公爲好逑言年八十有七生子一儒吳縣學
生娶陸氏女二嫁賀放計昷孫男一盤領應天
辛卯鄉薦娶陸氏孫女一嫁陸鏗曾孫男一元
曾君子謂鴻臚公於是乎君子矣以親故靡戀
纓鞞脩然卷懷卒以遺其後人詩曰孝子不匱
永錫爾類鴻臚公有焉鴻臚之父濱號順菴大
父彥祥贈大興縣尹母袁碩人公本袁出卽袁
碩人之猶子也順菴翁乞以爲子生正統甲子
閏七月十六日卒正德庚辰十二月二十四日
碩人父信母盧氏生甲子八月二十日卒嘉靖

庚寅十月二十日葬之日爲壬辰十二月廿九
日銘曰

業業文華三光紫微載筆入侍璆珮朱衣亦旣
華止言遄其歸有懷二人寧耽瑣闥發不盡藏
殖祉彌昌迺昌厥胤球玉琳琅烝烝鴻臚淵畜
流光我作銘詩勒之玄堂尚後有徵千禩考祥

重刻言張君汝益妻李孺人墓志銘

嘉靖己丑四月庚寅上海張君汝益喪其妻李
孺人卜以卒之年十二月甲申葬曹烏涇之原
祔先姑氏兆謁銘於寵維汝益與寵世雅善寔

耳悉孺人之賢不誣迺按其兄祠部君宗文所
爲狀叙而銘之孺人諱素明世松之華亭人曾
祖謙祖常父柬封祠部主事母戴安人幼則凝
重寡言笑父母特愛之選所歸得少叅張公冢
子鳴謙汝益氏旣歸事姑陸恭人及少叅公之
母潘孺人肅有婦道時少叅公令鄱陽潘老弗
能俱留孺人侍少叅公喜曰吾弗能躬養吾母
得吾婦侍無憂矣無何陸卒哭之盡哀獨奉太
孺人操家斬斬有節法少叅公宦遠無內顧心
繼陸以孔孺人事之如陸侍潘凡十載潘卒孺

人哀之亦如陸少叅公歷宦澤潞湖湘間孺人
問訊饋遺使道路相望公旣歸老孺人益專意
養及臥疾夫婦相與悲號醫禱無不至踰一年
衣不解脫夕不假寐公卒奉孔恭人尤篤孔得
疾侍婢莫敢嚮邇孺人親爲洗滌弗厭孔卒孺
人以勞邁疾越七月竟死哀哉孺人平居有禮
事少叅公之弟與其妻皆如舅姑禮相其夫事
不可多所贊決處夫之弟與其妻歷二十載
無忤言其賢類如此寵結髮與汝益交汝益種
學績行高自對立以丙子領鄉薦將顯名當世

寵每而焉退見其子仕才弱冠也補博士弟子
尤俊朗可念則孺人之所以相厥夫迪厥子其
賢又可徵也已孺人生成化丁未十月三日年
四十有三生男五人長即仕次化儲引歲燕貽
女一人受姚蕃聘銘曰
婉婉有儀高門于嬪事我三姑偃僂屈身左右
君子爲時聞人亦旣多男有瑤有珉胡命弗遐
汔顯而屯尚有褒貶賁爾幽窀

從母朱碩人墓志銘

吾從母朱碩人嫁于梁爲冰溪君之配年七十

有七而卒吾母同產兄弟五人皆出我外大父
翁妣陸氏碩人最長吾母季也吾母年三十有
七而亡吾時童髻未甚哀也稍長始知悲慕每
自痛生平不知有母子之樂見人母子慈戀嫗
照相保持未嘗不愴然心摧也獨時時見碩人
儀容聲咳髣髴吾母之存而今又已矣吾痛曷
有旣耶碩人初婦梁方赤盛賓客鼎食冰溪跣
跣自便不甚事事碩人襄之外內斬斬有理累
乳皆女不宜男側室竟生二子晚歲冰溪君卒
碩人依季女以居益益精內典日掃一室焚香禮

佛口不如葷足不闔戶如是者數十年二子長
軋娶某氏早卒次子坤娶某氏生子某碩人愛
之如已出坤事碩人如所生母子雖析處慈孝
訢訢如也女二長適劉某次適顧言碩人所依
以居者甚得子婿禮某等將以某月某日奉碩
人柩安居于某鄉合水溪君兆寵爲之銘銘曰
莫莫葛藟施于樛木洵美碩人綏此百福克有
令子亦既有孫本支蕃昌以充梁門我銘其幽
以詔後昆

弔吳嗣業文

弘治間故禮部尚書兼翰林學士謚文定吳公
以天子宮師掌制內閣道德文章伏天下天
下縉紳士大夫之欲銘功德多聲光者踵交躡
于門然其家一如未貴時不翕翕熱雖文定之
教使然乃子弟之賢可徵已嗣業視文定爲伯
父尤名能守家法而文采醞藉弗墜益彰稍束
髮即屬其碩士秀民以嬉磨礱浸灌務敦儒素
視聲勢烜赫一切掃刮絕去簡夷混同無賤貴
皆可詡詡逮文定卒不覺有絲毫異嗚呼亦賢
矣哉世以氣力相取下席有尺寸之廕雖平居

故歡比反眼若不相識撞搪凌轢以爲快樂者
皆是也及一旦失勢奪怙則更竄縮避毒廼不
若齊民焉嗚呼是特反覆手耳日相環於天下
而人不悟顧蹈襲爲常何哉聞嗣業之風亦可
以自媿矣嗣業美風儀倩盼而髯鬢停玉立儼
若僊輩然性逸曠喜自便飲酒舞歌履舄交錯
梟盧叫嘯罰籌如蝟連日夜不厭卒以此得疾
死死時年四十八余少交嗣業茂嗣業則爲余
盡哭之過時而悲弔之以文曰握手醉言肉肺
肝以相示也簡禮任率恣詼調以爲樂也挾日

必合合乃忘其所之也斯人則亡疇復得夫此
類也二孤纍纍孰撫其遺也偉矣簪纓孰振其
宗也落鬼浮沈嵇阮徒也蛟龍岌繹頡斯爾
逼也腥鱗腐鼠臭穢彼類也嗚呼嗣業何日而
忘也

吳增哀辭

吳增吳人也父燿字次明吳爲吳望姓業儒醫
次明種學績行能文辭所與游盡名人偉儒增
其家子也初次明生子連弗育幾數乳乳增輒
育稍長皙白而豐蘄然見頭角望知爲名宗兒

也既家世流風厥父更踔厲弘肆賓言溢座狼籍文采增則內師外沃浸耳注目勿訓以迪秩秩自將朗潔娟好稍離保媪弗弄弗媮人咸舉手賀曰次明子後後乃秀無憾也同閨賀博士放薦以女吳賀居共堵且睦賀無子強增以婦授室一年而死遺孤甫七月嗚呼哀哉余悲次明之始于艱而終不得其倚也痛增之洵慧而夭折也余視次明丈行次明折年輩以相取下故得驩父子間而今又交傷之也作哀辭以遺之以舒其悲思以昭增德云鸞皇矯矯兮巢有

雛毛羽毵毵兮五色敷嗚呼增兮抱繡襦髮漆黑兮眉目殊婚友嘖嘖兮振爾吳瑤環瑜珥兮庭下趨一日不見兮將誰呼有兒在室兮泣呱呱爾父爾母兮獨何辜十有七兮即長途籲天靡從兮五內剝修短舛錯兮罔賢愚福禍無端兮理則迂魂飄飄兮竟何徂骨肉在茲兮將誰徒死者其已兮不可俱割哀忍痛兮善自扶庶亦不亡兮視此孤

張先生傳

張先生者吳閶門里人也吳爲東南會閩則扼

要據便輻湊天下水土百物其丈夫習化居罕
文而多薄先生長于市人獨深藏好書不耐閭
里浮沉故亦高貲縱不問生產作業坐一室左
右筐篋而校摩之假易所無輒手自謄寫攻苦
食淡洋洋如也家嘗治雷工騎榮糞掃先生筆
于檐下坐自如子適來請之廼愕起其沈精弗
撓類此居無何或挾之商于蜀先生奇其行心
獨樂之起東陲西遡岷江幾萬里往來登覽悉
論纂其山川風土之勝橐中裝空無一錢還尤
篤孝友垂白饗祭未嘗不淚霑衣也弟頗驚時

作評言輒解以和兩人終不得盛氣語大抵朴
茂醇篤類古之長者以其學教授里中門下積
十數百人有疑難走往質之卽刺刺語弗能休
或抽其架上書指示無不滿意去我冠獵纓蓋
儼然稱師者幾十餘年後生小人亦頗嚴憚焉
年七十九卒先生名翼字南伯云
贊曰自周官法壞而閭師之職廢率桀鷲無耻
者充焉豈其人哉豈其人哉若先生者殆古所
謂三老孝弟者與明王在上可以籩豆于庠矣
余故撫其行義著于篇

余姓無張琴師傳下論

張琴師吾同閩人也楠其名大本其字大本無
它長獨於琴則專握門戶浙東西之操縵者咸
奔走之名琅琅聞江湖間也然不大業家年五
十四以窮死悲夫大本嘗謂余言始習琴於陸
墓張氏陸墓張氏吳之取名能琴者也大本羈
貫而操張氏師年已七十餘矣遽曰孺子繼我
孺子繼我遂倒其譜授之既乃涵精揉思窮幽
折微宵吟晝揮手與心維儼乎其若幾茫乎其
若迷積之三十年而汪洋恣睢宵眇希夷濁清

疾徐惟我之施鸞虬鏘鳴若或鼓之鬼神嘯啼
不可端倪蓋於是而陸墓之傳益恢以奇也豈
韓子所謂造其堂而躋其闕者耶嗚呼琴亦藝
也古聖人兼焉今之君子不暇焉然其磨礱洊
至有類夫學道者之為吾是以有感也而大本
坎壈困躓纏其身以死若造物者尤焉吾是以
重有感也今天下名都沃區侯王肺腑游琴其
門者如麻出則陪輿入則交舄突梯滑稽軟媚
脂韋以私其金錢以席其寵靈而藝不必大本
若也聞其名皆嘖嗒縮而即遇之羞不敢露手

乃大本則弛置自便都不識覲伺人飲酒呼歌揚揚如也唯其獨得於中而與世抹殺其窮而死也則宜出頤部與人頤文思突利而神戰贊曰雞鶩爭食靈鳥不顧有噫其音爰合韶濩洩彼天和師曠往愬洞庭斯張帝聿其怒于搏手鍛棲之故伍琅玕之林崑崙之圃也而大本

張鼎用字說

吾師古閩先生張公以明經奧學閎德夷量流聲當道來範我邦三吳秀民焱至雲蒸咸願服儒衣冠肄業館下感道懷和千里風動厥子鉉

玉質象賢歧嶷嶄嶄旦夕在門昵我兄弟禮冠三加爰字鼎用命寵作說以章祝規乃不獲辭而爲之叙曰夫鉉之於鼎以貫耳也引重致用非鉉不舉鉉可忽乎哉周公曰鼎玉鉉貴之也今夫鼎有耳其隆有腹其容有足其崇巖廊之下清廟之旁天子省犧宗伯視調以饗上帝以養聖賢我后之靈上格于天穆穆賓師肅秩禮筵軋坤清夷九土晏然阿衡元臣扶日察璇匪唯鼎功鉉有勞焉故黃帝采銅于首山文王奠位于郊廓萬禩永寶神明相之張君鍾武夷之

靈秉吳德之晶敬承我師蒙養以貞不出戶堂
而屹乎重器矣既乃磨礱乎日月根柢乎仁義
濡漫乎典墳鑪錫乎英傑奮發乎文章時則有
烏獲孟賁扛之明堂軒姬之主有不肅以袞冕
歌以樂章裡郊假廟永爲我光者哉吾固爲張
君願之也是爲祝

四子述壽論

天水胡博士先生吾師可泉大參公之尊翁也
先生嘗宦蜀爲博士挂冠還山若干年矣今茲
歲在戊子齒躋八袞門下士吳郡黃生省曾素

生聚王生穀祥文生彭凡數輩圖獻萬年之觴
于堂下而闕以遼邈也乃相與揚摧讚述各吐
胸臆黃子曰雍州之域土厚水深古稱陸海表
以大華終南朱圉烏鼠之山帶以濁河涇渭之
川表裡經緯阨塞險巖其丈夫多魁壘碩頤山
立而都顛實揚休侯弗撓先生稟靈含和尤
掇厥英詩不云乎終南何有綃有堂君子至止
黻衣繡裳佩玉鏘鏘壽考不忘先生以之是宜
壽袁子曰赫赫駿命物畀之福嗇取有時濫用
不足優哉優哉可以卒歲先生抱王佐之略蓄

曜世之寶韜其景炎弗登于朝浮沉下庠鳴鐸
一隅暮出蚤歸養之脩如深耕而廉穫閑積而
薄發天之蕃錫吾不知其所屆是宜壽王子曰
天降時雨山川出雲江河之潤浸淫九里玄功
冥冥匪人覩聞先生迪成哲嗣作王之楨文惟
國華德寔士程累典大邦出歿雄藩循良之風
扇于東南慕義者謳吟飲德者尺祝考績論烈
烏乎無自哉聞之對陰德者必荷顯祿其先生
乎是宜壽文子曰西北神明之隩厥多僊靈窟
處林棲呼噏吐納蒸之以靈芝潤之以醴泉熙

神練色千歲童顏揔轡乎瑤水之陽弄景乎仙
掌之巔無爲自得體妙心玄先生其蟬蛻塵埃
之外皜然與日月齊光者乎烏可以常算紀表
哉於是王生寵者顛蒙偏塞文質無所底聞
四子之論莫能贊辭遂撰次而書之以爲先生
祝命在天知回益也山中荅湯子重書

昨奉教誨銷揚偉麗休心劇目信文之爛發者
也且高叙山林之樂推獎不肖似欲趨而納諸
風騷之域自顧惡劣展卷發汗然僕之逃窮伏

隩越在草茨心自樂之足下果余亮否也摠髮
以來連不得志于有司樊維檻束動觸四隅似
亦可憤然惟喜曠蕩不耐齷齪身世浮沈其拒
而不受于懷也若隄之障水莫能暴齧我生不
有命在天戚何益也但家本酤徒生長鄠市入
則楣柱塞日出則蹄足攝履呼籌握算之聲徹
晝夜每一焦煩心腸沸熱以故山水之好倍于
儕輩徜徉湖上樂而忘返莊周言逃蓬藿者聞
人足音則跼然喜僕雖日羣鹿豕壤斷徑絕愈
覺心神俱爽耳且生平無他好頗耽文辭登臨

稍倦則左圖右書與古人晤語縱不能盡解片
言會心莞然獨笑飢而食飽而嬉人生適意耳
須富貴何時誠日夕私賀恐後之不如今也尚
安望哉子重乎非足下誰則知者頃來放浪無
似日增駭蠢漸不覺有官司城府時行村野間
聞閭師里胥行談途議則怛然驚疑他日雖欲
衣冠揖讓更從諸君之列恐跟銜麤率重爲執
禮者譏笑矣神志散漫言不詮次刺刺覩縷聊
酬來訊不宣

文內翰天池浴日硯銘

紫彼湯泉膏於若木有韡其光羣曜屏伏守谷
抱玄琬琰在匱於文仲子提携天祿

硯銘

紫玉厠玄津流吐續藻翔龍蚪燭昭代垂元休
矢余志無爾羞

圭墨銘

錫爾玄圭荒彼黑壤

題聞德齋壁

古人謂一丘一壑可以息世夸者隘之然使醇
白離人機勝焦然坐馳若係逸駟雖徜徉四海

意愈感矣君子內葆而顛實反鑑而天朗解桔
而神全虛游而我得斗室千里也奚其隘奚其
隘袁子掃軌靜涵圖史溢棟昆季友朋一時鸞
鷺余嘗游袁子之齋曠焉塵釋方以爲莽蒼之
間也世乃以尋丈度廣隘豈余與子之所廣隘
耶

雅宜山人集卷十終

